

ՄԻՔԱՅԵԼ
ՄԱԼԽԱՍՅԱՆ



ՕՇԱԿԱՆ

Յ(47.925)
Ք-16

ՄԻՔԱՅԵԼ ՄԱԼԽԱՍՅԱՆ

Ի ՀԱՅՐԱՊԵՏՈՒԹԵԱՆ
ՆՈՐԻՆ ՍՈՒՐԲ ՕԾՈՒԹԻՒՆ
Տ. Տ. ԳԱՐԵԳՆԻ Բ
ՍՐԲԱԶՆԱԳՈՅՆ ԵՒ ՎԵՀԱՓԱՌ
ԿԱԹՈՂԻԿՈՍԻ ԱՄԵՆԱՅՆ ՀԱՅՈՑ

4684

ՕՇԱԿԱՆ

2-րդ, լրամշակված հրատարակություն



ՄԱՅՐ ԱԹՈՒ Ս. ԷԶՄԻԱԾՆԻ ՀՐԱՏԱՐԱԿՉՈՒԹՅՈՒՆ

2012

ՀՏԴ 941(479.25)
ԳՄԴ 63.3(2Հ)
Մ 163

Տպագրվում է
ԵՊՀ պատմության ֆակուլտետի
գիտական խորհրդի որոշմամբ

Մենագրությունը հրատարակության են
կրաչխավորել գրախոսներ՝
ՀՀ ԳԱԱ թղթ.-անդամ, պ. գ. դ., պրոֆ. Բ. Հարությունյանը
պ. գ. դ., պրոֆ. Հ. Ավետիսյանը
ա. գ. թ., դոց. Գ. Հովհաննիսյանը

Խմբագիր՝ Լևոն Ասրյան

Մալխասյան Սիբայել

Մ 163 Օշական [Հայաստանի հնագույն բնակավայրերից մեկի
պատմությունը] / Սիբայել Մալխասյան.- 2-րդ լրա-
մշակված հրատարակություն. - Ս. Էջմիածին: Մայր
Աթոռ Ս. Էջմիածին, 2012.- 88 էջ:

Գրքում ներկայացվում է Օշականի պատմությունը՝ թե՛ որպես
Հայաստանի հնագույն բնակավայրերից մեկը և թե՛ որպես
նվիրական մի սրբավայր, ուր ամփոփված է Ս. Մեսրոպ Մաշտոցի
աճյունը: Գրքում Օշականը ներկայացվում է պատմաաշխարհա-
գրական լայն համապատկերում՝ հրտեղադրությամբ, հուշարձան-
ներով և պատմամշակութային ողջ ժառանգությամբ: Գիրքը
կարող է օգտակար լինել պատմաբանների, ուսանողների,
գեոսաշրջիկների, գեոսաշրջության ոլորտը համակարգողների,
ինչպես նաև ընթերցող լայն շրջանակների համար: Սույն
աշխատանքը 2007 թ. հրատարակված «Օշական» գրքի երկ-
րորդ, լրամշակված հրատարակությունն է:

ՀՏԴ 941(479.25)
ԳՄԴ 63.3(2Հ)

ISBN 978-9939-59-109-4

© Մայր Աթոռ Սուրբ Էջմիածին, 2012
© Մալխասյան Սիբայել, 2012

ԵՎԻՐՎՈՒՄ Է
ՀԼՅ ԴԼՏԳՈՒԹՅԱՆ
ՀԻՐՆԵԴԻՐԱՆ 500-ԼԻՅՆԿԻ
ԷՎ
ՄՐԼԷԲՐՁՈՒՑՈՇԿԱԿԱՆ ԴՅՈՒՆԻ
ԵՎԻՐՅԼ ԽԵՏԵՎՈՐ
ԶՈՒԼԷՏԵ ԼՈՒՅՆԻ
ՊԼՅՇԵԼԻ ՀԻՇԼՏԵԿԻ

Տպագրվում է

«Առեկսիմբանկ-Գազպրոմբանկի խումբ» ՓԲԸ-ի կողմից
անցկացված «Երկրի մասշտաբով՝ յուրաքանչյուր ուսանողի
օգտին» մրցույթի շրջանակներում շահած միանվագ կրթաթոշակով

ԱՌԱՋԱԲԱՆ

Ծանոթանալով Միքայել Մալխասյանի «Օշական» աշխատանքին՝ ակամա մտաբերեցի երբեմնի բանավեճն այն մասին, որ լավ կլինի, Հայաստանի տարբեր մասերում հուղարկավորված հայոց մեծերին բերել ու ամփոփել Կոմիտասի անվան Պանթեոնում: Այդ ժամանակ եղան մարդիկ, ովքեր իրավացիորեն գտնում էին, որ Հայաստանի տարբեր մասերում ամփոփված մեր մեծերն ավելի են սրբացնում և նվիրական դարձնում այդ վայրերը: Այդ կարծիքի հետ չհամաձայնել չի կարելի:

Սուրբ Մեսրոպ Մաշտոցի օրինակը դրա վառ ապացույցն է: Նրա վերջին հանգրվանն Օշականում այդ բնակավայրը դարձրեց հայոց երեք գլխավոր սրբավայրերից մեկը՝ Խոր վիրապի և Էջմիածնի հետ միասին:

Մեսրոպ Մաշտոցին Օշականում հուղարկավորելը խորհրդանշում է մեկ ուրիշ երևույթ ևս. արևելյան մանկավարժությանն այդքան հատուկ իր ուսուցչին անսահման նվիրված սանի Ֆենոմենը: Սրանով էլ է յուրահատուկ Օշականը: Եվ ի լրումն այդ ամենի՝ Վահան Ամատունու վերջին պատգամը՝ ինքն այնքան արժանիք չունի, որ թաղվի իր ուսուցչի կողքին, սակայն չի էլ ցանկանում շատ հեռու լինել նրանից:

Սեղանի վրա է Միքայել Մալխասյանի հետաքրքիր նոր աշխատանքը, որն իր որակով և նշանակությամբ չի զիջում նախորդին: Հեղինակին հաջողվել է փոքրածավալ աշխատանքում Մեսրոպ Մաշտոցի կերպարի միջոցով ներկայացնել և բնութագրել Օշականը և՛ որպես ուխտատեղի, և՛ որպես բնակավայր:

Միքայելի աշխատանքներին ծանոթանում եմ առանձնակի հիացմունքով և մի քիչ էլ հուզմունքով: Հիացմունքով, որովհետև ինձ ապշեցնում են նրա ջանասիրությունն ու սկզբնաղբյուրներն ուսումնասիրելու, նրանց հետ հաղորդակցվելու անխոնջ եռանդը: Նա կարողանում է գրավոր մեծաթիվ աղբյուրների համադրմամբ նոր որակներ ապահովել: Հուզմունքով, որովհետև անսահման է ուրախությունդ, երբ տեսնում ես, թե ինչպես է սանդ օր օրի, քայլ առ քայլ փորձում նվաճել նորանոր բարձունքներ:

Մ. Մալխասյանը աշխատանքում չի սահմանափակվել միայն Օշականի մասին պատմական իրադարձությունները մանրամասնորեն ու խնամքով ընթերցողին ներկայացնելով: Ոչ պակաս հետաքրքիր ու արժեքավոր են նաև Օշականի և շրջակայքի պատմամշակութային կոթողների նկարագրությունները: Երիտասարդ հետազոտողը միանգամայն իրավացիորեն նկատում է, որ Օշականն ուխտատեղի լինելուց բացի, զբոսաշրջային լավագույն հնարավորություններն ունի:

Սիրելի՛ ընթերցող, այս աշխատանքին ծանոթանալուց բացի ուշադիր եղիր հեղինակի հետագա գործունեությունը: Հիշի՛ր. նրան մեծ ապագա է սպասվում:

ԳՈՒՐԳԵՆ ՅՈՎՅԱՆՆԻՍՅԱՆ
աշխ. գիտ. թեկնածու, դոցենտ

ՆԵՂԻՆԱԿԻ ԿՈՂՄԻՑ

Հարգելի՛ ընթերցող, Ձեր դատին է ներկայացվում մեր կողմից հեղինակած «Օշական» գրքի երկրորդ, լրամշակված հրատարակությունը: Առաջին հրատարակությունը, որ եղել է 2007 թ., դրական արձագանք է ստացել ընթերցողների կողմից: Հաշվի առնելով ստացած դրական գնահատականները՝ գրքի առաջին հրատարակության 5-րդ տարեդարձի առիթով որոշեցինք ընթերցողների դատին ներկայացնել լրամշակված վերահրատարակությունը:

Աշխարհաբնի նպատակն է ներկայացնել Օշական գյուղի՝

1. ընդհանուր աշխարհագրական բնութագիրը
2. ամբողջական պատմությունը
3. պատմաճարտարապետական հուշարձանները
4. գրոսաշրջության զարգացման հնարավորությունները:

Աշխատանքը գրելու միտքը հղացել է 2004 թ. ամռանը, երբ ավագ եղբայրս՝ Տ. Իգնատիոս արեղա (այժմ՝ վարդապետ) Մալխասյանը Ն. Ս. Օ. Տ. Տ. Գարեգին Բ Ամենայն Հայոց կաթողիկոսի տնօրինությունում նշանակվել է Ս. Մեսրոպ Մաշտոց եկեղեցու վանահայր (մինչև 2005 թ.), և ես ամենօրյա դպրական ծառայություն էի կատարում նվիրական սրբավայրում:

Աշխատանքի նախնական տարբերակը գրվել է 2004 թ. ամռան և աշնան ամիսներին, սակայն ամբողջացվել և հրատարակվել է միայն 2007 թ.՝ բարերարությունը Արտակ և

Սվետլանա Մակարյանները: 2007-12 թթ. հավաքելով նոր նյութեր՝ այժմ ներկայացնում ենք մենագրություն լրամշակված տարբերակը:

Լրամշակումների ընթացքում մասնագիտական խորհուրդներով աշխատանքին ճիշտ ուղղություն տալու համար շնորհակալություն ենք հայտնում ԵՊՀ պատմության ֆակուլտետի հայոց պատմության ամբիոնի վարիչ ՀՀ ԳԱԱ թղթ.-անդամ, պ. գ. դ., պրոֆ. Բ. Հարությունյանին:

Անհրաժեշտ ենք համարում նաև շնորհակալություն հայտնել Հայաստանյայց Առաքելական Սուրբ Եկեղեցու Արագածոտնի թեմի առաջնորդ Տ. Մկրտիչ եպս. Պոռչյանին և առաջնորդարանի աշխատակիցներին՝ աշխատանքը զրեւիս մշտապես աջակցելու համար:

Այսպիսով, Ձեզ է ներկայացվում միանգամայն նոր մասնագիտական մոտեցումներով և համալրված փաստերով ու մեկնաբանություններով հրատարակություն՝ ամբողջացնելով Օշական գյուղի հնամենի պատմությունը:

ՆԵՐԱԾՈՒԹՅՈՒՆ

Օշականի պատմությունը և պատմաճարտարապետական հուշարձաններն ուսումնասիրելիս մենք ուշադրություն ենք դարձրել սկզբնաղբյուրների և ուսումնասիրությունների լայն շրջանակ:

Գյուղի պատմությունն ուսումնասիրելիս նախևառաջ մանրամասն քննության ենք առել վաղմիջնադարյան հայ մատենագիրների՝ Կորյունի¹, Փավստոս Բուզանդի², Ղազար Փարպեցու³, Մովսես Խորենացու⁴ երկերը: Զարգացած միջնադարի վերաբերյալ տեղեկությունները հիմնականում հայթայթել ենք վիմափոր արձանագրությունների, իսկ ուշ միջնադարինը՝ Առաքել Դավրիժեցու երկի⁵ միջոցով: 18-րդ դ. հեղինակներից առանձնակի ուշադրություն ենք դարձրել Սիմեոն Երևանցու «Զամբռ» երկին⁶:

Սկզբնաղբյուրների կողքին մեծ ուշադրություն ենք հատկացրել նաև զանազան ուսումնասիրությունների, որոնց

1 Կորյուն, Վարք Ս. Մեսրոպ Մաշտոցի, աշխ. Ա. Մաթևոսյանի, Երևան, 1994:

2 Փավստոս Բուզանդ, Պարմություն հայոց, աշխ. Սրբ. Մալխասյանցի, Երևան, 1968:

3 Ղազար Փարպեցի, հայոց պարմություն և թողթ Վահան Մամիկոնյանին, աշխ. Բ. Ուրուբայանի, Երևան, 1982:

4 Մովսես Խորենացի, հայոց պարմություն, աշխ. Սրբ. Մալխասյանի, Երևան, 1940:

5 Առաքել Դավրիժեցի, Պարմություն, աշխ. Վ. Առաքելյանի, Երևան, 1988:

6 Սիմեոն կաթողիկոս Երևանցի, Զամբռ, թարգմ. և ծանոթագր.՝ Վ. Համբարձումյանի, պարմաաշխ. ծանոթագր. և բարբուզներ՝ Գ. Բաղայանի, Երևան, 2003:

չարքում հարկ ենք համարում առանձնացնել Ս. Եսայանի և Ա. Քալանթարյանի՝ Օշականի տարածքում զոյուլթյուն ունեցած հնագույն ամրոց-բնակատեղիի հնագիտական ուսումնասիրության առաջին փուլն ամփոփող աշխատանքը¹:

Վերջին տարիներին կատարված հնագիտական պեղումների արդյունքների արձանագրմամբ՝ 20-րդ դ. սկզբից մինչև 2010 թ. Օշականում կատարված հնագիտական աշխատանքներն ամբողջական ամփոփ ձևով տեղ են գտել Հ. Ավետիսյանի և Ա. Բոբոխյանի հրատարակած՝ Ուրարտուի հնագիտությանը նվիրված Երևանի պետական համալսարանի հնագետ ուսանողների համար նախատեսված դասագրքում², որը ևս եղել է մեր ուշագրություն կենտրոնում:

Քանի որ մի քանի արձանագրությունների տեքստեր մեզ են հասել միայն Հովհ. Շահխաթունյանցի³, Ղ. Ալիշանի⁴ և Թ. Թորամանյանի⁵ աշխատանքների միջոցով, ուստի այդ աշխատանքները սկզբնաղբյուրի նշանակություն ունեն՝ Օշականի պատմությունը հանգամանորեն ուսումնասիրելու համար:

Այսպիսով, սկզբնաղբյուրներում առկա տեղեկությունների, ուսումնասիրություններում առկա տեսակետների, ինչպես նաև ժողովրդական ավանդությունների համադրմամբ և մանրակրկիտ ուսումնասիրությամբ փորձել ենք ստանալ Օշական գյուղի ամբողջական պատմությունը:

1 Есаиан С. А., Калантарян А. А., Ошакан Г: основные результаты раскопок 1971-1983 гг., Ереван, 1988.

2 Ավետիսյան Հ., Բոբոխյան Ա., Ուրարտուի հնագիտություն (Ամրոց-բնակավայրեր և դամբարանային համալիրներ), Երևան, 2010:

3 Յովհ. Եպս. Շահխաթունեանց, Սյորագրութիւն Կաթողիկէ Էջմիածնի և հինգ գաւառացն Արարարայ, հր. Ա. Ս. Էջմիածին, 1842:

4 Ալիշան Ղ., Այրարար, Վենեփիկ, 1890:

5 Թորամանյան Թ., Նայկական ճարտարապետություն, հ. 2, Երևան, 1948:

ԳԼՈՒԽ Ա

Օշականի ընդհանուր աշխարհագրական բնութագիրը

Վարչական կարգավիճակը՝ գյուղական համայնք ՀՀ Արագածոտնի մարզում:

Նեոավորությունը՝ Մայրաքաղաք Երևանից՝ մոտ 25 կմ:

Նեոավորությունը մարզկենտրոն Աշտարակից՝ 6 կմ:

Տարածքը՝ մոտ 17 քառ. կմ:

Բացարձակ բարձրությունը՝ 1030 մ:

Գյուղով հոսող գետերը՝ Քասաղ և Շաղվերդ:

Կլիման՝ հիմնականում չոր ցամաքային (հուլիսյան միջին ջերմաստիճանը՝ շուրջ 25°C, հունվարյանը՝ -4°C):

Տարեկան մթնոլորտային փեղումները՝ շուրջ 350 մմ:

Լանդշաֆտային գոտիները՝ չոր լեռնատափաստանային և կիսաանապատային, որոնք հիմնականում վերակերպվել են կուլտուր-ռոոզելի հողային ծածկույթ ունեցող լանդշաֆտի:

Բնակչությունը՝ 5 106 մարդ (տղամարդիկ՝ 48,7%, կանայք՝ 51,3%)¹:

Բնակչության քանակությամբ Օշականը ՀՀ-ում 23-րդ գյուղն է: Արագածոտնի մարզում այն բնակչության թվով 5-րդ համայնքն է՝ զիջելով միայն մարզի 3 քաղաքներին՝ Աշտարակին (20,6 հազ. մարդ)², Ապարանին (մշտական՝ 6,6


1 «ՀՀ 2001 թ. մարդահամարի արդյունքները», ՀՀ Ազգային վիճակագրական ծառայություն, Երևան, 2003, էջ 151: Ընդհանուր ակնարկում բնակչությանը վերաբերող 2001 թ. բոլոր թվական փվայվերը բերված են նույն թվականի ՀՀ մարդահամարի արդյունքների համաձայն:

2 Նույն տեղում, էջ 144:

Հազ. մարդ¹), Թալինին (5,6 Հազ. մարդ)² և Թալինի տարածաշրջանի Արագած գյուղին (5,3 Հազ. մարդ)³: Գյուղերի շարքում այն բնակչության թվով զիջում է միայն վերջինիս:

Ստորև դիագրամի տեսքով ներկայացնում ենք Օշականի բնակչության թվի շարժընթացը՝ ըստ 1897 թ. Ռուսական կայսրության, խորհրդային և 2001 թ. ՀՀ մարդահամարների տվյալների ու 2012 թ. վիճակագրական հաշվարկի:

Օշականի բնակչության թվի շարժընթացը 1897-2012 թթ.



Բնակչության ազգային կազմը՝ գերակշիռ մասը հայեր են, ապրում են նաև փոքր թվով եզդիներ և ազգային այլ փոքրամասնությունների ներկայացուցիչներ:

Կրթական և մշակութային հաստատությունները՝ գործում են 2 հանրակրթական և 1 երաժշտական դպրոց, 2 մանկապարտեզ, մշակույթի տուն, գրադարան:

Բնակչության հիմնական զբաղմունքը՝ այգեգործություն. գյուղատնտեսական հողահանդակներն օգտագործվում են՝ որպես վարելահողեր, պտղատու և խաղողի այգիներ, արոտավայրեր և խոտհարքեր: Զարգացած է կաթնամատու անասնապահությունը: Աստիճանաբար զարգանում է զբոսաշրջության սպասարկման ոլորտը:

Գործարանները՝ գինու, մսամթերքի արտադրության:

1 Նույն տեղում:
2 Նույն տեղում:
3 Նույն տեղում, էջ 145:

ԳԼՈՒԽ Բ

Օշականը նախաքրիստոնեական ժամանակաշրջանում

Օշականի պատմությունը գալիս է դեռևս Ք.ա. 3-2-րդ Հազարամյակներից: 1971 թ. սկսված օշականյան պեղումները պարզեցին, որ Օշականի մաս կազմող Դիլի (Դիլի) կոնդ կոչվող բլրի վրա Ք.ա. 2-1-ին Հազարամյակներում կիկլոպյան ամրոց է եղել, իսկ ավելի ուշ՝ Ք.ա. 7-րդ դ., հսկայական կալվածք է եղել՝ Վանի թագավորության ժամանակաշրջանի՝ հիմնահող, քարաբլդ և այլ տիպի ավելի քան հազար թաղումներով դամբարանադաշտով, Ք. ա. 7-5-րդ դդ. դարավանդ-Հարթակներով, դոյակ-ամրոցներով և այլն, Ք. ա. 3-րդ դ. անտիկ դամբարանադաշտով:

Հայտնաբերվել են բազմաթիվ արձաններ, գործիքներ, գեներ, ոսկե, արծաթե, բրոնզե զարդեր, ազաթե ուլունքներ, խեցեղեն, փայտե զանազան իրեր և այլն:

Բլրի գագաթին բացվել է Ք. ա. 7-5-րդ դդ. ուղղանկյուն ամրոց, որի պատերը շարված են կավե շաղախով միացված տուֆե հսկայական քարերից:

Վանի թագավորության (ուրարտական) ժամանակաշրջանի պալատական համալիրները Օշականում

Ք. ա. 7-րդ դ. ներկայիս Դիլի կոնդ փոքր բլրի հյուսիսային լանջին հիմնադրվել է Վանի թագավորության մի խոշոր ամրոց-բնակավայր՝ իր պալատական համալիրներով:

Ամրոց-բնակավայրի ուրարտական ժամանակաշրջանի պատմության վերաբերյալ գրավոր սկզբնաղբյուրների (մա-

տեխնազրական տեղեկություններ, սեպագիր արձանագրություններ և այլն) բացակայություն պատճառով պալատական համալիրների մասին տեղեկություններ ենք ստանում հնագիտական հարուստ նյութի միջոցով: 20-րդ դ. սկզբին Օշականում հնագիտական պեղումներ է իրականացրել Խ. Դադյանը, իսկ 1920-ական թթ. ճարտարապետահնագիտական ուսումնասիրություններ է կատարել Թ. Թորամանյանը:

Դիտի կոնդում պրոֆեսորնալ հնագիտական պեղումներն սկսել են իրականացվել 1971 թ.: Մինչև 1983 թ. հնագիտական աշխատանքները գլխավորել են Ս. Եսայանն ու Ա. Քալանթարյանը, որոնք ամփոփել են իրենց պեղումների արդյունքները՝ հրատարակելով պեղումներին նվիրված առանձին մի աշխատանք¹:

Հնագիտական պեղումները հաջորդ տարիներին ևս շարունակվել են, սակայն որոշ ընդհատումներով: 1984-1991 թթ. զբանք ղեկավարել է Ս. Եսայանը, իսկ 2002 թ.-ից՝ Ա. Քալանթարյանը:

Ինչպես նշել ենք ներածության մեջ, վերջին տարիներին կատարված հնագիտական պեղումների արդյունքների արձանագրմամբ՝ 20-րդ դ. սկզբից մինչև 2010 թ. Օշականում կատարված հնագիտական աշխատանքներն ամբողջական ամփոփ ձևով տեղ են գտել Հ. Ավետիսյանի և Ա. Բորոխյանի հրատարակած՝ Ուրարտուի հնագիտությունը նվիրված ԵՊՀ հնագետ ուսանողների համար նախատեսված դասագրքում: 2011-2012 թթ. Օշականում հնագիտական ուսումնասիրություններ է կատարել Հ. Ավետիսյանը:

Համադրելով առկա ուսումնասիրությունները՝ ստորև ներկայացնում ենք Օշականի ուրարտական ժամանակաշրջանի պալատական համալիրների մոտավոր թվագրումը, ճարտարապետական կառուցվածքը, սրահների գործառուլթային նշանակությունը, հայտնաբերված նյութական մշակույթի մյուս նմուշները և այլն:

1. Есаян С. А., Калантарян А. А., Ошакан 1.

Այսպես, Օշականում պեղված ամրոց-բնակավայրն ունի հզոր արտաքին պարիսպներ, որոնց հաստությունը հասնում է 2,5-2,65 մետրի: Նրա պարիսպները շարված են լավ տաշված տուֆե խոշոր քարերից, որոնք միևնույն ժամանակ շինությունների պատեր էին իրենցից ներկայացնում: Պարիսպներն ամրացված էին որմնահեցերով և անկյունային աշտարակներով: Արտաքին քարերի եզրերը մշակված են ժապավենաձև, իսկ կենտրոնական հատվածները՝ ուռուցիկ հարդարումով¹:

Ամրոցն ունի ուղղանկյուն հատակագիծ՝ մոտ 0,23 հարյուր հանուր մակերեսով: Պեղումների ընթացքում բացվել են ամրոցի հյուսիսային, արևելյան և արևմտյան պարսպապատերը, արևելյան բակամասի հարավային հատվածքը, կենտրոնական կացարանները և արևելյան պարսպապատին կից տաճարը²:

Ամրոցը ներքին հզոր պատով բաժանվում է արևելյան և արևմտյան թևերի: Արևելյան թևի հարավային կառույցն ունեցել է մոտ 140 քառ. մետր մակերեսով 2-րդ հարկ, իսկ 1-ին հարկը ծառայել է որպես պահեստ: Արևմտյան հատվածում էլ պեղվել է խոշոր մի հոր, որը ծառայել է՝ որպես ջրավազան³:

Օշականում պեղված ուրարտական ամրոց-բնակավայրն ունեցել է ոչ միայն պաշտպանական, այլ նաև պաշտամունքային նշանակություն. նրա տարածքում բացվել է քառակուսի հատակագծով և անկյունային աշտարակներով տաճարային շինության հիմնապատկերը: Հատակագծային և հորինվածքային լուծումներով տաճարը Վանի թագավորության ճարտարապետության բացառիկ օրինակներից է⁴: Պեղումների ընթացքում հայտնաբերված սակավաթիվ խեցեղե-

1 Տես Ավետիսյան Ն., Բորոխյան Ա., Ուրարտուի հնագիտություն, էջ 96:

2 Նույն տեղում, էջ 96-97:

3 Նույն տեղում, էջ 97-98:

4 Նույն տեղում, էջ 98:

նի շնորհիվ ամբողջ-բնակավայրը թվագրվում է Ք. ա. 7-րդ դարով¹:

Օշականի՝ Վանի թագավորության ժամանակաշրջանի պալատական շինությունները, որ տեղադրված են բլրի հյուսիսային լանջին, բաղկացած են 5 համալիրներից՝ 1-ին 3-ը հյուսիս-հարավ առանցքով, 4-րդը և 5-րդը՝ դրանց ուղղահայաց²:

Ամենից վաղ թվագրվում է առաջին համալիրը՝ Ք. ա. 7-րդ դ. 1-ին կես: Այն կազմված է եղել 14 կացարաններից, ունեցել է 80 քառ. մետր մակերեսով սրահ, որ նախատեսված է եղել ծխական արարողությունների և այլ խոշոր հավաքների համար, ինչի վկայությունն է հանդիսանում հյուսիսային պատի տակ պահպանված 10 մետր երկարությամբ նստարանը³:

Ժամանակագրական առումով հաջորդը երկրորդ համալիրն է, որի 26 կացարաններից առանձնանում է 25-րդը՝ 150 քառ. մետր մակերեսով և 8 սյուներով մի խոշոր դահլիճ՝ օջախով և զոհասեղանով: Տպավորիչ է նաև 100 քառ. մետր մակերես ունեցող և ութսայուն 27-րդ սրահը, որը, ըստ երևույթին, պալատական համալիրների գլխավոր սրբարանն է եղել, ինչի վկայությունն են հատակում պեղված 4 հորերը՝ լցված մոխրով, խոշոր ու մանր եղջերավոր անասունների ոսկորներով և խեցեղենի բեկորներով, ինչպես նաև հայտնաբերված քարե կուռքերը⁴:

Հաջորդ՝ երրորդ պալատական համալիրը՝ իր 2 կիսագետնափոր սրահներով, պեղվել է երկրորդ համալիրից 200 մետր արևելք⁵: Համալիրի արևելյան մասում բացված 4 գլանաձև վերգետնյա օջախները նույնական են Թեյշեբախինում (Կարմիր բլուր) պեղված տների օջախներին, ինչի շնորհիվ

1 Есаи С. А., Калантарян А. А., Ошакан I, с. 9.

2 Ավետիսյան Ն., Բորոխյան Ա., Ուրարտուի հնագիտություն, էջ 98:

3 Նույն տեղում, էջ 98-99:

4 Նույն տեղում, էջ 98-100:

5 Նույն տեղում, էջ 101:

համալիրը կարելի է թվագրել Ք. ա. 7-րդ դ. երկրորդ քառորդով կամ Ռուսա Բ-ի գահակալության ժամանակաշրջանով, այն է՝ Ք. ա. 685-645 թթ. ժամանակամիջոցում:

Չորրորդ համալիրն իր 7 կացարաններով ընկած է 2-րդ և 3-րդ համալիրների միջև¹: Այստեղ պատերի շարվածքը ավելի քիչ է հղկված, քան նախորդ 3 համալիրների պարագայում, ուստի կարելի է ենթադրել, որ այն ավելի ուշ է կառուցվել՝ Ք. ա. 7-րդ դ. երրորդ քառորդին, երբ քաղաքական և տնտեսական առումով Վանի թագավորությունը շատ թույլ վիճակում էր գտնվում:

Ճինգերորդ համալիրը բաղկացած է 12 կացարաններից, որոնք կառուցվել են առաջին և երկրորդ համալիրների արևելյան հատվածին կից: Այս համալիրի շինարարության մեջ գործածվել են նաև անմշակ քարեր, ինչպես նաև օգտագործվել են բնական ժայռեր²: Այս ամենը վկայում է համալիրի՝ Ք. ա. 7-րդ դ. երրորդ քառորդին կառուցված լինելու մասին: Պեղումների ընթացքում հայտնաբերվել են խեցեղեն, փայտե, մետաղե իրեր, ինչպես նաև բացվել է դամբարանադաշտ³:

Փաստորեն, հատկապես վերջին 40 տարիների ընթացքում Օշականում անցկացված հնագիտական պեղումներն ու ուսումնասիրությունները զգալի նյութ են հավաքել և խմբավորել ուրարտական ժամանակաշրջանի պալատական համալիրների վերաբերյալ:

Այսպիսով, կարելի է հանգել այն եզրակացության, որ Վանի թագավորության ժամանակաշրջանում ժամանակակից Օշական գյուղի տարածքում կառուցված պալատական համալիրները, որոնք թվով հինգն են, կառուցվել են աստիճանաբար՝ Ք. ա. 7-րդ դ. առաջին քառորդից մինչև երրորդ քառորդը, ընդ որում՝ կառուցման ճարտարապետական տեխնիկական ժամանակին համընթաց վատացել և ավելի պարզու-

1 Նույն տեղում:

2 Նույն տեղում, էջ 102:

3 Տե՛ս Есаи С. А., Калантарян А. А., Ошакан I, էջ 68-81:

նակ բնույթ է ստացել՝ կապված Վանի թագավորությունում աստիճանաբար հասունացող քաղաքական ու տնտեսական ճգնաժամի հետ: Այսպես, եթե առաջին 3 պալատական համալիրներում առկա են ճարտարապետական յուրահատուկ լուծումներ (սյունազարդ սրահ, աշտարակավոր տաճար և այլն), ապա չորրորդ և հինգերորդ համալիրներում օգտագործվել են հաճախ ոչ լավ մշակված քարեր, իսկ ճարտարապետական լուծումներն ավելի համեստ են (ոչ այնքան մեծ բաց սրահ և այլն):

Ստորև ներկայացնում ենք Վանի թագավորության ժամանակաշրջանում Օշականի տարածքում կառուցված պալատական համալիրների թվագրումը ցույց տվող ամբողջական աղյուսակը.

	Պալատական համալիրը	Կառուցման ժամանակը
1	Առաջին	Ք. ա. 7-րդ դ. 1-ին քառորդ
2	Երկրորդ	Ք. ա. 7-րդ դ. 1-ին և 2-րդ քառորդների սահմանագլուխ
3	Երրորդ	Ք. ա. 7-րդ դ. 2-րդ քառորդ
4	Չորրորդ	Ք. ա. 7-րդ դ. 3-րդ քառորդի 1-ին կես
5	Հինգերորդ	Ք. ա. 7-րդ դ. 3-րդ քառորդի 2-րդ կես

Այսպիսով, Օշականի ամրոց-բնակավայրն իր պալատական համալիրներով Վանի թագավորության ժամանակաշրջանի առավել հետաքրքիր և դեռևս նորանոր ուսումնասիրությունների ու հնագիտական աշխատանքների կարիք ունեցող հուշարձաններից է:

Օշականը կարևոր վայր է եղել նաև Երվանդունիների ժամանակաշրջանում, ինչի մասին են վկայում Դիտի կոնդբլրի վրա հայտնաբերված Ք. ա. 3-րդ դ. անտիկ դամբարանադաշտը,

նադաշտը, Վանի թագավորության ժամանակաշրջանում կառուցված և մինչև Ք. ա. 5-րդ դ. թվագրվող քառանկյուն ամրոցը:

Արտաշեսյանների ժամանակաշրջանում (Ք. ա. 2-1-ին դդ.) Օշականի վերաբերյալ հնագիտական նյութերի սակավության և գրավոր հիշատակությունների բացակայության պայմաններում, այնուամենայնիվ, կարելի է հանգել այնպիսի եզրակացության, որ Օշականը չի կորցրել նախկինում ունեցած նշանակությունը, քանի որ դամբարանադաշտն ընդհուպ մինչև Ք. հ. 2-րդ դ. շարունակում է ընդլայնվել, ինչը վկայում է բնակավայրի շարունակական գոյության մասին: Միևնույն ժամանակ հարկ է ուշադրություն դարձնել այն հանգամանքին, որ Արշակունիների ժամանակաշրջանում, Մեծ Հայքի Այրարատ աշխարհի Արագածոտն գավառի մասը կազմելով, Օշականը մինչև 4-րդ դ. 3-րդ տասնամյակը մտել է արքայական տիրույթների մեջ: Բացառված չէ, որ տեղի ամրոցը կարող էր արքունի տիրույթների պաշտպանական համակարգի բաղկացուցիչ մի մասնիկը հանդիսանալ:

Այսպիսով, Օշականը դեռևս Ք. ա. 3-2-րդ հազարամյակներից կարևոր նշանակություն ունեցող ամրոց-բնակավայր է եղել: Այն կարևոր նշանակություն է ունեցել ոչ միայն Ք. ա. 2-րդ հազարամյակի վերջին, այլև Վանի թագավորության, ինչպես նաև Երվանդունիների, Արտաշեսյանների և Արշակունիների ժամանակաշրջանում:

ԳԼՈՒԽ Գ

Օջականր IV դարում և Ամապունիների իշխանական փոփոխումը

330 թ. Տրդատ Գ Մեծին (274-276, 288/298-330 թթ.) Մեծ Հայքի թագավորության գահին հաջորդում է նրա որդին՝ Խոսրով Բ Կոտակը (330-338 թթ.): Ինչպես հաղորդում է Պատմահայր Մովսես Խորենացին, տեղեկանալով Տրդատի մահվան մասին, Արևելյան Այսրկովկասում բնակվող քոչվոր մազբուլթ ցեղերն սպանում են Ս. Գրիգոր Լուսավորչի թուր Գրիգորիսին, ով իրենց մոտ քրիստոնեությունը քարոզչություն էր զբաղվում¹: Տրդատի մահվան լուրն ստանալով՝ Մեծ Հայքի Փայտակարան աշխարհում իրեն արքա է հռչակում թագավորին ազգակից Սանատրուկ Արշակունին²: Փաստորեն, Խոսրովի՝ գահին բազմելուց հետո Մեծ Հայքի թագավորությունում քաղաքական ցնցումներ են սկսվում: Ինչպես հավաստում է Մովսես Խորենացին, ստեղծված քաղաքական իրադրությունը պայմաններում Սասանյան Պարսկաստանի արքա Շապուհ Բ-ի (309-379 թթ.) ղրղմամբ մազբուլթաց Սանեսան Արշակունի արքան 20 000-ոց զորքով ներխուժեց Մեծ Հայք³: Փավստոս Բուզանդը թեպետ ղեպքերի ժամանակազրույթունը չի ներկայացնում, սակայն Խոսրովի գահակալումից հետո անդրադառնում է Գրիգորիսի սպանությունը, ինչին հաջորդում է մազբուլթների և Հյուսիսային Կովկասի լեռնականների հարձակումը Մեծ Հայքի թագավորության վրա¹: Փաստորեն, մազբուլթների արշավանքը Մեծ Հայքի թագավորությունն պետք է տեղի ունեցած լիներ ոչ թե 335-336 թթ., ինչպես նախկինում ներկայացրել է Յ. Մարկավարտը² ու նրան հետևել են Հ. Մանանդյանը³ և այլ անվանի հայագետներ, այլ 331 թ.-ից ոչ ուշ, քանի որ թե՛ Փավստոս Բուզանդը և թե՛ Մովսես Խորենացին հստակորեն նշում են, որ արշավանքը տեղի է ունեցել Տրդատի մահից հետո՝ Խոսրովի գահակալության սկզբնական շրջանում ստեղծված խառնակ ժամանակահատվածում:

Այսպիսով, 331 թ. մազբուլթներն անցնում են Կուր գետը և ներխուժում Մեծ Հայք: Ըստ Փավստոս Բուզանդի, իսկ հետագայում նաև Մովսես Խորենացու՝ Սանեսանն ավերեց հայկական սահմանային ամրությունները և հարձակվեց մայրաքաղաք Վաղարշապատի վրա: Որոշ ժամանակ անց քաղաքը գրավվում է, և այնտեղ ամրացած հայոց արքա Խոսրով Կոտակն ստիպված Կոգովիտ գավառի Դարյունք (այժմ՝ Բայազետ) բերդն է քաշվում: Վաղարշապատի կորստյան պատճառն այն էր, որ մեր հյուսիսային գոտիները ջարդվել և նրա հրամանատար Միհրանն սպանվել էր, իսկ արևելյան, արևմտյան և հարավային գնդերը բավականին հեռու էին գտնվում. հարավայինը Մոփսում էր, արևելյանը՝ Բաղարատ ասպետի ղեկավարությամբ, Հայաստանի արևելյան սահմաններում էր, արևմտյանը՝ Վահան Ամատունի հազարապետի

1 Տե՛ս Փավստոս Բուզանդ, Պարմոթյուն Հայոց, էջ 67, 74-75:

2 Յ. Մարկավարտը Սանեսանի արշավանքը 335-336 թթ. թվագրելու համար հիմք է ընդունել Տոմի Կոստանդինոս Մեծ կայսեր խորթ եղբոր՝ Դավթաթոսի որդու՝ Անիբալդանոսի՝ Կեսարիա, որպես կառավարիչ, ուղարկվելու թվականը՝ ենթադրելով, թե իբր հենց նա է օգնել հայերին՝ ազատագրվելու մագթութներից և հյուսիսկովկասյան լեռնականներից: Նման ենթադրության համար որևէ աղբյուրագիրական հիմք չկա, ուստի մենք առաջարկում ենք հայկական սկզբնաղբյուրների համադրմամբ սրբագրված 331 թվականը: Ի դեպ, «Օջական» գրքի 1-ին հրատարակության մեջ մենք, հավաքարիմ մնալով մեծանուն հայագետների հաշվարկներին, մագթութների արշավանքը թվագրել էինք 335-336 թթ. (Տե՛ս Մալխասյան Մ., Օջական, Էջմիածին, 2007, էջ 11-12):

3 Տե՛ս Մանանդյան Ն., Քննական փոստություն հայ ժողովրդի պարմության, Կ. Բ., Երևան, 1957, էջ 144-146:

1 Մովսես Խորենացի, Հայոց պարմություն, էջ 175:

2 Նույն փոփոխում:

3 Տե՛ս նույն փոփոխում, էջ 179-180:

ղեկավարութեամբ, Հայաստանի արևմտյան սահմաններում էր¹: Շուտով մագրութենների վրա հանկարծակի հարձակվեցին մեր արևելյան ու արևմտյան ուղղութիւնները գործերը և հետ շարժեցին դեպի Օշական ու թույլ չտվեցին, որ նրանք, ըստ իրենց սովորութեան, տարածվելով նետաձգութիւն կատարեն, այլ քաջարի հեծյալները, նրանց շտապ ու արագապես հետամուտ լինելով, մղեցին քարքարոտ (առապար) դժվար տեղերը²: Հակառակորդը ստիպված եղավ ճակատամարտ տալ:

Ահա հենց այստեղ է «Օշական» տեղանվան առաջին հիշատակութիւնը՝ 331 թ.՝ Փափստոս Բուզանդի կողմից:

Փաստորեն, «Օշական» տեղանվան առաջին հիշատակութիւնը ոչ թե 336 թ. է, ինչպես ենթադրելի էր Յ. Մարկվարտի և Հ. Մանանդյանի հաշվարկներից, այլ՝ 331 թ.:

Այժմ անդրադառնանք Օշականի ճակատամարտի բուն ընթացքին: Մագրութենների նիզակավորների զորագլուխն էր ամբողջովին սպառազինված մի վիթխարի հսկա: Հայոց քաջերն անընդհատ հարձակվում էին նրա վրա, բայց արդյունքի չէին հասնում: Այս ժամանակ հայոց քաջերից Վահան Ամատունին, դառնալով դեպի Վաղարշապատի կաթողիկե եկեղեցին, ասում է. «Օգնի՛ր ինձ, Աստուծո՛ւմ. դու, որ Դավթի պարսաբարը դիպրի իր խոխարացող Գողթարի ճակատին, իմ նիզակս էլ ուղի՛ր այս հզորի աչքին»³: Նրա խնդրանքը զուր էր անցնում. ձիու գավակից խփելով՝ գետին է գլորում հսկային, որից հետո հակառակորդը փախուստի է դիմում, և հայոց բանակի մարտական ոգին բարձրանում է:

Այստեղից Մովսէս աշխարհը դառնալիս Բագարատն առանց նախանձի հաստատապես վկայում է թագավորին Վահանի քաջագործութիւնների և այս առաքինական դիպվածի մասին, ուստի թագավորը Վահան Ամատունուն է պարգևում ճակատամարտի տեղը՝ Օշականը, որտեղ Վա-

հանն ինքնակամ դեմ ելավ ու մենամարտեց հսկա թշնամու հետ⁴: Ամենայն հավանականութեամբ՝ մինչ այդ Օշականը պետք է որ արքայական կալվածք լիներ:

Հետաքրքիր է այն փաստը, որ Փափստոս Բուզանդը, ժամանակագրական առումով ավելի մոտ լինելով Օշականի ճակատամարտին, չի խոսում գլուղի՝ Ամատունիներին տրվելու փաստի մասին: Անգամ Կորյունը, խոսելով Ս. Մեսրոպ Մաշտոցի՝ Օշականում թաղվելու մասին և նշելով Վահան Ամատունու կողմից Մաշտոցի գերեզմանի վրա եկեղեցու կառուցման փաստը, այնուհանդերձ չի նշում, թե Օշականը Ամատունյաց կալվածք էր⁵: Միայն 5-րդ դ. վերջին Ղազար Փարպեցին վկայում է, որ Օշականը Ամատունիներինն էր, սակայն չի նշում, թե ինչպես է այն բաժին հասել նրանց⁶: Ըստ մեծանուն հայագետ Նիկողայոս Ադոնցի՝ իբրև թե Մովսէս Խորենացին իր սեփական կռահումով է Օշականի՝ Ամատունիներին շնորհվելը կապել Օշականի ճակատամարտի հետ⁷: Խոշորագույն հայագետը հավանաբար նկատել է նաև այն փաստը, որ Փափստոս Բուզանդը Վահան Ամատունուն պարզապես թվարկում է հայոց զորքն առաջնորդողների շարքում՝ չխոսելով նրա կատարած որևէ առանձնահատուկ սխրանքի մասին⁸: Չէ՞ որ Ամատունյաց նախարարի սխրանքը տեղ է գտել հենց Մովսէս Խորենացու երկում: Սակայն, այնուհանդերձ, մեր կարծիքով Մովսէս Խորենացին ոչ թե սեփական կռահումով է գրառել Օշականի՝ Ամատունիներին տրվելու փաստը, այլ արձանագրել է որևէ սկզբնաղբյուրից իրեն հայտնի իրադարձութիւնը, իսկ մյուս պատմիչները պարզապես հարկ չեն համարել դրան անդրադառնալ, քանի

1 Նույն պեղում:

2 Տե՛ս Կորյուն, Վարք Մեսրոպ Մաշտոցի, էջ 59-60:

3 Տե՛ս Ղազար Փարպեցի, Հայոց պատմություն և թուղթ Վահան Մամիկոնյանին, էջ 84:

4 Ադոնց Ն., Հայաստանը Հուսիսիսկանոսի դարաշրջանում, Երևան, 1987, էջ 337:

5 Տե՛ս Փափստոս Բուզանդ, Պատմություն Հայոց, էջ 77:

1 Մովսէս Խորենացի, Հայոց պատմություն, էջ 179:

2 Փափստոս Բուզանդ, Պատմություն Հայոց, էջ 76-77:

3 Մովսէս Խորենացի, Հայոց պատմություն, էջ 179-180:

որ Օշականի՝ Ամատունիներին պատկանելը նրանց համար սովորական իրականություն էր:

Իսկ ովքե՞ր էին Ամատունիները: Ըստ Մովսես Խորենացու՝ նրանք Հայաստան են տեղափոխվել հայոց Արտաշես թագավորի կառավարման տարիներին, Իրանի Ահմատանի (իմա՝ Նամադան) քաղաքից¹: Մովսես Խորենացու մոտ տեղ գտած այս հիշատակությունը ուսումնասիրողներին շփոթի մեջ է գցել՝ տանելով Արտաշես Ա Բարբի կառավարման տարիները՝ Ք. ա. 189 – մոտ 160 թթ.: Սակայն Արտաշեսի կառավարման ժամանակաշրջանում դժվար է պատկերացնել նմանօրինակ տեղաշարժ Պարթևստանի տարածքից Մեծ Հայք: Այստեղ հավանաբար տեղ է գտել «Տրդատ»-«Արդաշես» շփոթը, որ հաճախ է տեղ գտնում Մովսես Խորենացու մոտ: Չէ՞ որ Տրդատ Ա-ն (52/61/66-76 թթ.), որ Պարթևստանից էր տեղափոխվել Մեծ Հայք, իր հետ պետք է Մեծ Հայքի թագավորություն բերեր նաև պարթևական իշխանազույնների, ուստի Ամատունիները Մեծ Հայք են տեղափոխվել ոչ թե Ք. ա. 2-րդ դ. 1-ին կեսին, այլ՝ Ք. հ. 1-ին դ. 2-րդ կեսին:

Ամատունիները հավանաբար նախ հաստատվել են Արտազ գավառի տարածքում²: Շուտով Մեծ Հայքի սահմանապահություն մեջ աչքի ընկած Ամատունի իշխանները Արտազ գավառում հավանաբար նախ նշանակվել են՝ որպես կուսակալ, իսկ այնուհետև այն ստացել՝ որպես ժառանգական տիրույթ:

Հարկ է նշել, որ Ամատունիներն Արշակունյաց Հայաստանում 4-5-րդ դդ. զբաղեցնում էին «հազարապետություն» գործակալությունը: Ամատունիները սահմանապահություն մեջ աչքի էին ընկնում հատկապես Տրդատ Գ Մեծի օրոք: Ամատունի Օտա իշխանը շարունակ արժանանում էր Տրդատի գովեստներին և պարգևներին՝ ի վերջո նշանակվելով հազարապետ: Օտան Ամատունյաց տան առաջին

մկրտյալ քրիստոնյան էր, այսինքն՝ Տրդատ Գ-ի հետ միասին մկրտվել էր Արածանիում: Վերոնշյալ Վահան Ամատունին էլ նրա որդին էր:

387 թ. Մեծ Հայքի թագավորությունը բաժանվում է Սասանյան Պարսկաստանի և Հռոմեական կայսրության միջև: Պարտավորվելով որոշակի հարկ վճարել Հռոմի Թեոդոսիոս Ա կայսերը՝ Հայոց Խոսրով Գ (384-388, 414-415 թթ.) թագավորը 388 թ. վերամիավորում է Մեծ Հայքի թագավորությունը: Այս քայլը և Խոսրովի կողմից՝ Սահակ Ա Պարթևի հաստատումը Հայոց կաթողիկոսական գահին առաջացրին պարսից Շապուհ Գ արքայի գայրույթը: Խոսրովը ձեռքակալվեց, իսկ մի խումբ հայ նախարարներ փորձեցին ազատել նրան, սակայն ապարդյուն: Նրանցից շատերը մորթազերծ արվեցին, նրանց հետ՝ արքայի հավատարիմ պաշտպաններից Պարզև Ամատունին: Ամատունիների տոհմը պատժեց՝ ժամանակավորապես զրկվելով իր ազդեցիկ դիրքից¹: Վռամշապուհի օրոք (388-414 թթ.) Ամատունիները վերականգնեցին իրենց դիրքերը: 5-րդ դարում Ամատունի ամենաշանավոր դեմքը հազարապետ Վահան Ամատունին էր, որը մասնակցեց է Վարդանանց և Վահանանց պատերազմներին: Ըստ Եղիշեի՝ նրա օրոք Օշական ամրոցն ավերվել է Վասակ Սյունու կողմից (450 թ.)²: Փաստորեն, Եղիշեի վկայությունից կարելի է եզրակացնել, որ Օշականի ամրոցը դեռևս 5-րդ դ. կեսերին շարունակում էր Մեծ Հայքի կենտրոնական շրջանների ռազմապաշտպանական համակարգի մասը կազմել՝ անհանգստություն պատճառելով պարսկական իշխանություններին:

Այսպիսով, վաղ միջնադարում Օշականի պատմությունը կապված է Ամատունիների իշխանական տան հետ: Այս նախարարական ընտանիքում տեղի ունեցող քաղաքական

1 Մովսես Խորենացի, Հայոց պատմություն, էջ 125:

2 Տե՛ս Աղոնց Ն., Հայաստանը Վուսթինիանոսի դարաշրջանում, էջ 337:

1 «Հայկական համառոտ հանրագիտարան», հ. 1, Երևան, 1990, «Անպրոտիսեր» բառապատկերով, էջ 152:

2 Եղիշե, Վարդանի և Հայոց պատերազմի մասին, աշխ. Ե. Տեր-Մինասյանի, Երևան, 1992, էջ 58:

ցնցումներն ու վերելքները, փաստորեն, ուղղակիորեն պետք է անդրադառնային Օշականի վրա, քանի որ այն Ամատունյաց տիրույթների սահմաններում էր:

Ամատունիները Հայաստանի քաղաքական թատերաբեմից հեռացել են 8-րդ դարում, երբ 789 թ. Համամ և Շապուհ Ամատունիները գաղթեցին Բյուզանդիայի սահմանները՝ Խաղտիք: Այդուհանդերձ 10-րդ դարի վերջին Ամատունիները դեռևս որոշակի ազդեցություն ունեին: Դրա մասին են վկայում Թովմա Արծրունու Հաղորդած այն տեղեկությունները, որ Շամիրամ բերդում «սպասեալ նստաձ» Շերեփի որդի Թադեոս Ակեացին գրեց Ամատունյաց տոհմի «սուրբ եպիսկոպոսին», որը նստում էր Ս. Թադեոս առաքյալի հանգստարանում՝ Արգոզական (Արտազ) գավառում՝ ելք գտնելու վրա հասած հրոսակներից: Նա պատասխանեց քաջալերող խրատով, հորդորեց չերկնչել նահատակությունից և արժանանալ մարտիրոսական պսակի և որ եթե այդ պատերազմում մահանա, որպես հաղթող՝ կժառանգի խոստովանողի անուն, կգորանա Քրիստոսի՝ մեր Աստծո խաչի զորությունը: Թադեոսը ելավ ապահով տեղից սակավաթիվ զորականներով, որ պահպանում էին Շամիրամ բերդը, հանդիպեց թշնամու՝ Իրանից ներխուժած ավազակախմբերի անհուն բազմությունը Փայտակչտան գյուղում, ջախջախեց հակառակորդին, և այլևս իրանական ասպատակող հրոսակները չկրկնեցին մեր երկրի վրա իրենց հարձակումը¹: Սրանից հետո Ամատունիներն այլևս երբեք չեն վերականգնել իրենց նախկին ազդեցիկ դիրքը:

1 Թովմա Արծրունի և Անանուն, Պատմություն Արծրուկյաց քան, աշխ. Վ. Վարդանյանի, Երևան, 1978, էջ 95:

ՎԼՈՒԽ Դ

Գրերի գյուղը և Օշականի սրբացումը

4-րդ դարի ողջ ընթացքում նկատելի էր, որ քրիստոնեությունից դադարեցողները Հայաստանի բոլոր հատվածներում բնակչության բոլոր շերտերին հասու դարձնելու համար հարկավոր է սեփական լեզվով ժամասացություն և հայերեն թարգմանված «Աստվածաշունչ»: Նման թարգմանական գործունեություն համար անհրաժեշտ էր սեփական գիր: 387 թ. Հռոմեական կայսրության և Սասանյան Պարսկաստանի միջև Մեծ Հայքի թագավորության բաժանումից հետո Հայոց գրերի անհրաժեշտությունն էլ ավելի է մեծանում: Եթե գրերը չստեղծվեին, ապա Հայ ժողովուրդը ինքնություն պահպանման կարևոր պատվարի բացակայության խնդիր կունենար:

Պարսկաստանին ենթակա Արևելահայկական թագավորության թագավորը 388 թ.-ից Վառամշապուհն էր, որը կառավարել է մինչև 414 թ.: Նրա կառավարման առաջին տարիներին Դանիել ասորի եպիսկոպոսն ստեղծեց Հայոց որոշ նշանագրեր: Թագավորի և կաթողիկոս Սահակ Ա Պարթևի (կթղ. 387-439 թթ.) հրամանով Վահրիճ Խաղունի անունով մի իշխան Դանիելի մերձավոր Հաբել երեցի միջոցով Դանիելյան նշանագրերը հասցրեց Վաղարշապատ: Որոշ ժամանակ այդ նշանագրերով ուսուցում կազմակերպելուց հետո պարզվեց, որ դրանք չէին համապատասխանում հայերենի հնչյունական կազմին, ինչի պատճառով էլ որոնումները շարունակվեցին: Հայոց գրերն ստեղծելը, ի վերջո, վիճակված էր Մեսրոպ Մաշտոցին:

Վառաձայնուհը Մեսրոպ Մաշտոցին ուղարկում է Ասորիք (Սիրիա)՝ ասորի հոգևոր և աշխարհիկ իշխանությունների հետ բանակցելու: Մաշտոցն իր մի քանի աշակերտների հետ Ասորիք է գնում, որտեղ էլ ընդունելություն է գտնում հոգևոր և աշխարհիկ իշխանությունների կողմից: Լինում է Ամիդ և Եդեսիա քաղաքներում, խորհրդակցում է տեղի հոգևորականության հետ: Կորյունի վկայությամբ՝ Եդեսիայում Մաշտոցը արարեց հայոց այբուբենը. «...Նա իր սուրբ աջով հայրաբար ծնեց նոր և սքանչելի ձևունդներ՝ հայերեն լեզվի նշանագրեր...»¹: Մաշտոցն իր նորագյուտ տառերը դասավորել է՝ օգտվելով հունական այբուբենի հերթականությունից, տառերին տվել է անուններ (այբ, բեն, գիմ...) և սահմանել դրանց թվային արժեքները (Ա՝ 1, Բ՝ 2...): Ապա Մաշտոցը Սամոսատ է գնացել, որտեղ հմուտ հունագետ Հոփանոսի օգնությամբ գեղազրել է նշանագրերը: Սամոսատում Մաշտոցն ու նրա աշակերտներից երկուսը՝ Հովհան Եկեղեցացին և Հովսեփ Պաղնացին, նոր գրերով «Աստվածաշունչ»-ի առաջին թարգմանությունն են ձեռնարկում՝ սկսելով Սողոմոնի առակներից, որոնց առաջին տողերն են. «Ճանաչել զիմաստություն և զիրար, իմանալ զբանս հանճարոյ»: Այս նախադասությունը հետագայում թարգմանչաց շարժման բնաբանն է դարձել և մինչ այժմ էլ շարունակում է մնալ հայ ժողովրդին առաջնորդող կարգախոսերից մեկը²:

Գրերն ստեղծելուց հետո Մեսրոպ Մաշտոցը գալիս է Վաղարշապատ, ուր նրան մեծ ցնծությամբ են ընդունում, ընդ որում՝ ցնծող բազմությունն առաջնորդում էին թագավորը և կաթողիկոսը, որոնք դիմավորեցին Մեսրոպ Մաշտոցին Ռահ (իմա՝ Արարս) գետի ափին³:

Սկսվում է նորագյուտ գրերի ուսուցման գործընթացը: Բացվում են դպրոցներ, և կրթվում են Մեսրոպ Մաշտոցի աշակերտների առաջին խմբերը: Այնուհետև սկիզբ է դրվում

Թարգմանչաց շարժմանը: Իր առաջին աշակերտների (Կորյուն, Եզնիկ Կողբացի, Մովսես Խորենացի և այլք) և Սահակ Պարթևի հետ Մաշտոցը հայերեն է թարգմանում «Աստվածաշունչ»-ը:

Մաշտոցը տեղի գիտունների հետ ստեղծում է նաև վրաց և աղվանական գարգարացոց ցեղի «կոկորդաձայն, կոչու, խժական, կոպիտ լեզվի համար» գրերը¹:

Ղազար Փարպեցին ասում է, որ Վաղարշապատում հայկական դպրոց բացելուց հետո Մաշտոցը դպրոց բացեց նաև Օշականում²: Սա վկայում է այն մասին, որ Օշականն այդ ժամանակ կարևոր նշանակություն է ունեցել:

440 թ. Մեհեկան ամսի 13-ին (իմա՝ փետրվարի 17-ին) Մաշտոցը վախճանվում է: Նրա մարմինը Վաղարշապատից տեղափոխվում է Օշական՝ հազարապետ Վահան Ամատունու տիրույթը՝ Հմայակ Մամիկոնյանի և այլոց ուղեկցությամբ: Վերջինս Վարդան Մամիկոնյանի եղբայրն էր: Ամատունին փետրվարի 20-ին Մաշտոցի գերեզմանի վրա սկսում է եկեղեցի կառուցել՝ շինարարությունն ավարտելով 443 թ.: Այս մասին պատմում է Կորյունը. «Եվ [այնպես] ժողովված զիսավոր աշակերտների անուններն այս են. առաջինիս՝ Հովսեփ, որ և սկզբում գրեցինք. երկրորդին՝ Թադիկ, զգասար [ու] Վարդապետի հրամանների նկատմամբ շարժող մարդիկ: Զինվորական կողմից առաջինի անունը՝ Վահան, Ամատունի ցեղից, որ Մեծ Հայաստանի հազարապետն էր, և երկրորդին՝ Հմայակ, Մամիկոնյան տոհմից, պատրվական, երկուդամ [ու] Վարդապետի հրամանները կատարող մարդիկ:

Եվ մինչդեռ սրբի ձեռները կարկատված էին դեպի երկինք, խաչանման, լուսավոր շողավոր ձևով սքանչելի տեսիլ երևաց այն ապարանքի վրա, ուր վախճանվում էր երանելին. և ամեն մարդ ինքը տեսավ այդ, և ոչ թե ընկերը պատրմեց: Եվ նա սրբերին սեր ու միաբանություն ավան-

1 Կորյուն, Վարդ Ա. Մեսրոպ Մաշտոցի, էջ 42:

2 Տե՛ս նույն փոխում, էջ 42-43:

3 Տե՛ս նույն փոխում, էջ 44:

1 Մովսես Խորենացի, Հայոց պատմություն, էջ 227-228:

2 Ղազար Փարպեցի, Հայոց պատմություն և թողթ Վահան Մամիկոնյանին, էջ 84:

ղեց, մերձավորներին ու հեռավորներին օրհնությամբ պատկեց և հաճոյական աղոթքը Զրիստոսին հասցնելով՝ հանգավ:

Վահանն ու Նմայակը, աշխարհական բազմության հեպ, վերցրին նրան վախճանվածի պատրաստությամբ, սաղմոսներով և օրհնությամբ ու հոգևոր ցնծություններով, վառած կանթեղներով ու բոբրոբված ջահերով և բուրող խնկերով, և ամբողջ լուսաճաճանց աշտանակով, և այն լուսավոր առաջախաղաց խաչանշանով, բարձրացան Օշական և այնտեղ մարտիրոսարանի մեջ դրին, օրհնավոր հիշարակը կարարեցին, ապա նշանն աներևոյթ եղավ, և նրանք ետ դարձան յուրաքանչյուրն իր տեղը:

Բսկ երեք տարի անցնելուց հետո Վահան Ամատունուն հաջողվեց քրիստոսասեր ջանքով սքանչելի տաճար կանգնեցնել պաշտած, քանդակած քարերով, և տաճարի ներսում շինեց Սրբի գերեզմանը: Նա Զրիստոսի կենդանարար մարմնի և արյան սեղանի համար վայելուց, գույնզգույն, ոսկով և արծաթով ու թանկագին քարերով պայծառափայլ անոթներ պատրասարեց ի հիշարակ, և մի տեղ հավաքված բոլոր սրբերի հեպ Զրիստոսի խաչակրոն վկայի, երանելի Մաշտոցի մարմինը փոխադրեց տաճարի գերեզմանը: Եվ նրա Թաղիկ անունով աշակերտին, մի զգաստ ու բարեպաշտ մարդու, եղբայրների հեպ, երանության հասած Սրբի համար սպասավոր կարգեցին ի փառս Աստուծո՞ւ՝:

Մեջբերված հատվածից երևում է, որ Օշական գյուղի մի մատուռում առաջ էլ թաղված են եղել մարտիրոսներ կամ վկաներ, այսինքն՝ քրիստոնեական հավատի համար նահատակվածներ², ինչը վկայում է Օշականի՝ մինչ այդ էլ քրիստոնեական նվիրական սրբատեղի լինելու փաստի մասին: Հարկ է ուշադրություն դարձնել այն հանգամանքին, որ Վահան Ամատունին, լինելով հազարապետ, իր չափազանց մեծ հեղինակությամբ կարողացել է վճռական դերակատարություն ունենալ Մեսրոպ Մաշտոցի գերեզմանատե-

ղի ընտրություն հարցում: Չնայած Ղուկաս Ինճիճյանը կասկածի տակ է առել Մաշտոցի՝ Օշականում թաղվելը, սակայն Հրաչյա Աճառյանը, հիմք ընդունելով մի քանի տասնյակ հեղինակների (Կորյուն, Ղազար Փարպեցի, Հովհաննես Դրասխանակերտցի¹, Թովմա Արծրունի, Վարդան Արևելցի², Կիրակոս Գանձակեցի և այլք) հաղորդած տեղեկությունները, վերջնականապես հիմնավորում է Մաշտոցի՝ Օշականում թաղվելու փաստը³:

Վահան Ամատունու թաղվելու տեղի վերաբերյալ ժողովրդական մի ավանդություն է տարածված, ըստ որի մահվան պահին Վահան Ամատունուն հարցնում են, թե ուր կուզենա թաղվել: Նա պատասխանում է, որ չի ցանկանում Մաշտոցի կողքին թաղվել, քանզի ինքը հիշատակելու արժանի այնքան գործ չի արել, որքան Մաշտոցը, հեռու էլ չի ցանկանում, քանի որ իր ուսուցչին շատ է սիրել, ուստի խնդրում է թաղել իրեն Մաշտոցից 15 քայլ (40 արմնկաչափ կամ 12 մետր) հեռավորության վրա: Եվ իսկապես, հենց այսքան հեռավորության վրա էլ գտնվում է նրա գերեզմանը, որի վրա տապանաքար-հուշարձանակոթող է դրվել հավանաբար 1880 թ. և այնուհետև 20-րդ դ. երկրորդ կեսում նորոգվել:

Մաշտոցի հիշատակը հարգելու համար կաթողիկոս Հովսեփ Ա Հողոցմեցին (Վայոցձորեցի, կթղ. 440-452 թթ.) Կորյունին պատվիրեց գրել Մաշտոցի կենսագրությունը:

Մաշտոցը սրբացվել է և դասվել Հայ եկեղեցու սրբերի կարգը: «Հայսմավուրք»-ում Մաշտոցի անունը 3 տոներով է հիշատակվում, որոնք բոլորն էլ շարժական են.

1. Սրբոյն Իսահակայ Պարթևի Հայրապետին մերոյ (տոնվում է հունվարի 24-ից մինչև փետրվարի 28-ը՝ Առաջավորաց պահքի կիրակիից հետո 14-րդ օրը՝ շաբաթ),

1 Նովհաննես կաթողիկոս Դրասխանակերտցի, Նայոց պատմություն, աշխ. Գ. Թոսուկյանի, Երևան, 1996, էջ 61:

2 Վարդան Արևելցի, Տիեզերական պատմություն, աշխ. Վ. Թոսուկյանի, Երևան, 2001, էջ 88:

3 Տե՛ս Աճառյան Նր., Նայոց գրերը, հ. 1, Երևան, 1968:

1 Կորյուն, Վարդ Ս. Մեսրոպ Մաշտոցի, էջ 59-60:

2 Նույն տեղում, էջ 142:

2. Սրբոց Թարգմանչացն մերոց Սահակայ և Մեսրոփբայ (տոնվում է հունիսի 1-ից մինչև հուլիսի 16-ը՝ Հոգեգալուստից հետո 33-րդ օրը՝ հինգշաբթի):

3. Սրբոց Թարգմանչաց վարդապետացն մերոց Մեսրոփբայ, Եղիշէի, Մովսիսի Քերթողին, Դաւթի Անյաղթ փիլիսոփային, Գրիգորի Նարեկացւոյն և Ներսիսի Կլայեցւոյն (տոնվում է հոկտեմբերի 3-ից նոյեմբերի 7-ը)¹: Սա Սրբոց Թարգմանչաց կարևորագույն տոնն է:

Փաստորեն, Գրիգոր Լուսավորիչը քրիստոնէացրեց հայոց ազգը, իսկ Մաշտոցն ամբողջապես ազգայնացրեց քրիստոնէությունը: Թաղվելով Օշականում՝ Ս. Մեսրոպ Մաշտոցը սրբազործեց և սրբազան ուխտարեղի դարձրեց այս բնակավայրը:

ԳԼՈՒԽ Ե

Միջնադարյան Օշականը

6-9-րդ դարերում Օշականի վերաբերյալ գրավոր հիշատակությունները գրեթե բացակայում են: Կարելի է առանձնացնել միայն 10-րդ դարի պատմիչ Ուխտանես եպիսկոպոսի հիշատակությունն այն մասին, որ հայոց Աբրահամ Ա Աղբաթանեցի (կթղ. 607-615 թթ.) կաթողիկոսի գահակալության սկզբում Հայոց սրբազան դավանանքին հավատարիմ լինելու հավաստմամբ հայրապետին ներկայացած հոգևորականների թվում էր Օշականի «վանացերեց» (իմա՝ վանահայր) Խոսրովը¹: Այս փաստը վկայում է այն մասին, որ առնվազն Աբրահամ Ա-ի գահակալության շրջանում Օշականում քաղկեդոնականութունը ոչ միայն տիրապետող չի եղել, այլև տարածում չի ունեցել:

Արաբական արշավանքների և տիրապետության շրջանում Օշականի վերաբերյալ հիշատակությունները դադարում են:

10-րդ դ. 2-րդ կեսից մինչև 11-րդ դ. կեսերը Օշականը պատկանել է Պահլավունիներին, ինչի մասին է վկայում այն հիշատակությունը, որ սպարապետ Վահրամ Պահլավունին նորակերտ Մարմաշենի վանքին է նվիրել 3 ջրաղաց և այգիներ Օշականում²: Ուշագրավ է այն փաստը, որ Մարմաշենի շինարարության ավարտի կապակցությամբ 1029 թ. Վահրամ Պահլավունու թողած արձանագրության մեջ Օշա-

1 Շ. արք. Գալուստյան, Նայագգի սրբեր, Երևան, 1997, էջ 75-83:

1 Ուխտանես եպիսկոպոս, Նայոց պատմություն, աշխ. Վ. Առաքելյանի, Երևան, 2006, էջ 154-155:

2 «Նայ ժողովրդի պատմություն», ՆԽՍՀ ԳԱ հրատ., հ. 3, Երևան, 1976, էջ 171:

կանը նշվում է՝ որպես «գանձագին», այսինքն՝ գնված կալվածք¹:

Ուշագրավ է հատկապես Օշականի 13-րդ դարի պատմությունը: Հայտնի է, որ 13-րդ դարից սկսած միջնադարյան հայկական գյուղերի գյուղապետերին հաճախ «ռայիս» (արաբերեն՝ «գլխավոր», «պետ»²) էին կոչում: Նույնն էր նաև Օշականում, որի մասին է վկայում 1210 թ. Բագնայրի արձանագրությունը, որտեղ նշվում է, որ այդ պահին Օշականի ռայիսը Պարսիմոն էր՝ Հասանի որդին³: Նրա ղեկավարման շրջանում Օշականը ծաղկում է ապրել:

Հայտնի է, որ 13-րդ դարում հայ մեծահարուստ Տիգրան Հոնենցը բոլոր հարուստ գյուղերում այգիներ էր գնում: Նա մեկ այգի է գնել նաև Օշականում⁴: Հոնենցի պես Հյուսիսարևելյան Հայաստանի ամենահարուստ մարզկանցից մեկը Զաքարյանների իշխանության ներքո գործող անցի Ավետենց Սահմաղինն էր, որի տիրույթները սահմանափակվում էին Անի քաղաքի կեսով, Երևան քաղաքով, Մրեն գյուղաքաղաքով, Օշական և Արջոռուի գյուղերով⁵: Առաջին երեքը և վերջինը Զաքարյանների և Հոնենցի կողմից ծաղկման հասած բնակավայրեր էին, իսկ եթե Օշականն էլ է դրանց հետ նշվում, ապա դա այն մասին է վկայում, որ Օշականը նույնպես ծաղկուն գյուղ էր:

1273 թ. Սահմաղինը Օշականում և Արջոռուի գյուղում արձանագրություններ է թողել, որոնց միջոցով իմանում ենք, որ նա այդ տարի վերացրել է Արջոռուի, Օշականի, Մրենի խաղողի այգիներին՝ մոնղոլ-թաթարներին տրվող «խալա»

կոչվող տուրքը, ինչը վկայում է Սահմաղինի՝ չափազանց հարուստ և ազդեցիկ լինելու մասին. «...Ի խալալ և յերրորդ հարկէ, որ բնական ազատ էր»¹:

1277 թ. մասնակիորեն վերանորոգվել է Ս. Մեսրոպ Մաշտոց եկեղեցին²:

1286 թ. Սահմաղինը Օշականում կրկին արձանագրություն է թողել, որում ասվում է, որ Օշականի՝ իր կողմից նշանակված ռայիս Ստեփանոս ձեռնավորը և Օշականի քեթոբար (իմա՝ բերդապետ) Վահրամը վերացրել են Օշականի քահանաների վճարելիք՝ այգու, բամբակի և ժամհարի հարկերը, որոնք նույնպես տրվում էին մոնղոլական իշխանություններին. «Ի թուին եօթն հարիւր երեսուն և հնգին՝ ողորմութեամբն Աստուծոյ և հրամանաւ Պարոն Սահմաղինին, ևս՝ Սրեփաննոս ձեռնաւորս, և Վարհամ քեթոբարս... թողաք զՅօշակսնու քահանայից զինչ որ հարկ կայր այգոյ, բամբակի... և ժամհարին. յիշարակ հոգոց մերոց և ամուսնաց: Եւ տքա խոսարացան ի արարոջն Գ ժամ ի յաւոր Ծննդեանն. Բ Սրեփաննոսի, և Վարհամայ. ով որ յեր ժամանակաց խափանել ջանայ ՅԺԸ հայրապետացն և զովսած է, և մեր մեղաց պարտական է»³: Այս արձանագրությունը վկայում է այն մասին, որ 13-րդ դարում Օշականի Սուրբ Մեսրոպ Մաշտոց եկեղեցին ղեռևս կանգուն է եղել: 1288 թ. Սահմաղինը օշականյան հերթական արձանագրությունն է թողնում, որում ասվում է, թե այդ թվին նա վերացրել է Օշականի հացի և դարմանի շարիաթը (իմա՝ հողափորոջը վճարվող արտաքը). «Ի թուին ՉԼԷ. Ծնորիի բարերարին Աստուծոյ, յամի թագաորութեան աստուածաւեր արքայ Արղուն դանին,

1 Տն Ալիշան Ա., Շիրակ, աշխ. Ա. Բոյսանի, Պ. Նովիսնիսյանի և Գ. Սարգսյանի, Երևան, 2010, էջ 148:

2 Մալխասեանց Ս., Հայերեն բացարձակ բառարան, հ. 4, Երևան, 1945, էջ 157:

3 «Հայ ժողովրդի պատմություն», հ. 3, էջ 553:

4 Նույն փեղում, էջ 586-587:

5 Նույն փեղում, էջ 587-589:

1 Բարխուդարյան Ս., Մի բանի դիպողություններ Երևանի Կաթողիկե եկեղեցու արձանագրությունների վերաբերյալ, «Տեղեկագիր ՆՍՍՌ-ԳԱ հասարակական գիտություններ», Երևան, 1947, թ. 5, էջ 71:

2 Հակոբյան Թ., Մելիք-Բախչյան Սր., Բարսեղյան Հ., Հայաստանի և հարակից շրջանների փեղանունների բառարան, հ. 5, Երևան, 2001, էջ 482:

3 Ալիշան Ա., Այրարար, էջ 189:

ևս՝ Պարոն Սահմապինս՝ որդի Պարոն Աւարեացն՝ թողի զՅաւազականոյ զհացի եւ զդարմանի զշարիարն, ըզվերի եւ զներքի զամեն հանդի, վասն փրկութեան հոգոյ իմոյ եւ ծնողաց իմոց, եւ յարեւաշարութիւն որդոց իմոց, Ամիրբէկին եւ այլոցն: Արդ յետ ժամանակաց եթէ ի թագաւորաց կամ յիշխանաց զընծայս մեր իսափանել ջանայ, ՅԺԸ հայրապետացն նզոված է, վարձ զՈւթայի զաստուածաւաճառի եւ զԿայեւնին առցէ, եւ մեր մեղաց պարտական է»¹:

1288 թ. մեկ այլ արձանագրութիւնում ասվում է. «Ի թուականին ՉԼԷ, յառաջնորդութեան րէր Կամազասպայ եւ ի պարոնութեանն Սահմադինին եւ իւր որդւոցն Ամիրբէկին եւ Կազարբէկին, եւս՝ Գեշմարդս էի ամիրայ, եւ Կաիկս ձեռնաւոր, թողաք զՍուրբ Կարապետին այգեացն, զՅաւազականո, զՄիրինո, զձեռնաւորին զհարկն զինչ որ կայր, վասն փրկութեան հոգոց մերոց եւ յարեւաշարութեան Պարոնացն: Արդ որ յետ ժամանակաց զընծայս մեր իսափանել ջանայ, ՅԺԸ հայրապետացն նզոված է, եւ վարձ զՅոթայի առցէ, եւ հող արհնութեան զնա մի ծածկեսցէ, Կարարիչք գրոյս արհնին յԱստուծոյ, ամէն»²:

1295 թ. օշականյան մի արձանագրութիւնում էլ ասվում է, որ նույն թվականին Սահմադինի թոռ պարոն Բեսութան վերացրել է իր տիրույթ Օշականի եւ նրա վանքերի հարկերից մեկը. «Ի թուին ՉԽԴ, ի թագաւորութեան աստուածաւէր արքայ Բեսադաթո ղանին, եւ ի հայրապետութեան Տէր Կամազասպայ, եւս՝ Բէտութայս, որդի Պարոն Ամիրբէկին, որդոյ պարոն Սահմապինին, թողաք զՅոշականո զղէաւրայ զհարկն, գեղիս եւ զվանորաից, վասն արեւաշարութեան հար իմոյ, եւ ինձ՝ Բէտութայիս, եւ ի փրկութիւն հոգոյ Ամիրի: Արդ (որ) յետ ժամանակաց ի թագաւորաց կամ յիշխանաց զընծայս մեր իսափանել ջանայ, ՅԺԸ հայրապետացն

նզոված է, եւ վարձ զՈւթայի եւ զԿայեւնին առցէ, եւ ի լոյս փրկչական մի՛ հայեցցի, եւ մեր մեղացն պարտական է. Կարարիչք գրոյս արհնին յԱստուծոյ, ամէն»¹:

Ղևոնդ Ալիշանը Հովհաննես եպիսկոպոս Շահխաթունյանցի «Ստորագրութիւն Կաթողիկէ Էջմիածնի եւ հինգ զաւառացն Այրարատայ» հրատարակութեան երկրորդ հատորից մեջ է բերում մի անթվական արձանագրութիւն. «Ես՝ իշխան Յոհանն (՝) Ամարունի, յազգէն Կայոց, եղի սահման զաւառիս իմոյ Յաւազականայ, հասանի մինչ ի բլուրն Էջմիածնի, եւ անրի վայր մինչ ի Քասախ. (՝) հիւսիսոյ կուսէ գետն Փարպու մինչ ի Քոտայն (՝) համակ պողոտայն. եւ անրի վեր Կարբու դարերն, յարեւելից կուսէ ձանապարհն Եղեւարդայ, ասրի մինչ յԷջմիածին: Ով ոք այս ցանկս պարտէ, սեւերես լինի առաջի Աստուծոյ, ամէն»²: Այս արձանագրութեան վերաբերյալ ենթադրութիւններ կատարելը դժվար է, քանի որ Շահխաթունյանցի այս աշխատութիւնը տպագրվել է 1842 թ., այսինքն՝ մինչև եկեղեցու ամբողջական նորոգումը: Հ. Շահխաթունյանցը արձանագրութեան տեղը նշում է հարավային ավանդատան պատը, ինչը ներկայումս հնարավոր չէ ճշտել:

1431 թ. Չուխուր-Սաադի (իմա՝ Արարարյան) կարակոյունլու թուրքմենական կուսակալութեան կուսակալ Ռուստամ Բեչքենենց Օրբելյանը առանց ղեկավարի մնացած Օշականը՝ Վաղարշապատի եւ 5 խոշոր գյուղերի (Բաթոհնջ, Նորագավիթ, Աղավնատուն, Թեղենիս-Քիրաջլի, Մուղնի) հետ միասին, վաճառքի անվան տակ նվիրել է Ս. Էջմիածնի վանքին՝ հզորացնելով այն տնտեսապես եւ նպաստելով կաթողիկոսական աթոռանիստի տեղափոխմանը³:

1 Նույն տեղում, էջ 189-190:

2 Նույն տեղում, էջ 190:

1 Նույն տեղում:

2 Նույն տեղում:

3 «Նայ ժողովրդի պարմութիւն», հ. 4, Երևան, 1972, էջ 39:

Օշականի մասին միջնադարյան վերջին տեղեկությունները Առաքել Դավրիժեցու գրչին են պատկանում, այսինքն՝ 17-րդ դարից են: Նա թվարկում և նկարագրում է գյուղի՝ դարասկզբի պարսկա-թուրքական հալածանքները: Նրա վկայությունները՝ Աբդուռահման Մուսալիմ անունով մեկի գլխավորությունում ջալալիները Ս. Ստեփաննոս Նախավկայի վանքը թալանելուց հետո մտան Օշական և որոշեցին թալանել գյուղի ունեւորներից մեկի տունը: Նրանք մտան տուն ու տանտիրոջը տանջեցին, որպեսզի նա իր պահուստի տեղն ասի: Այս տեսնելով՝ գյուղի բնակչությունը մի մասը, վերցնելով ունեցած-չունեցածը, զնաց Գեղարքունյաց գավառ¹: Առաքել Դավրիժեցին այս կերպ ցանկանում է ցույց տալ, թե թուրք-պարսկական պատերազմների և ջալալիների ասպատակությունների հետևանքով 1606-1609 թթ. ինչպիսի սով և դժնդակ պայմաններ էին առաջացել:

1631 թ. վրաց թեյմուրազ թագավորը ապստամբություն բարձրացրեց Սեֆյան Պարսկաստանի դեմ: 1632 թ. պարսիկները որոշեցին արյան մեջ խեղդել ապստամբությունը: Օգտվելով այն հանգամանքից, որ պարսիկներն զբաղված էին այդ ապստամբությունը ճնշելով՝ թուրքական որոշ զորախմբեր ներխուժեցին Արարատյան դաշտ: Օշականի և մի քանի այլ գյուղերի (Եղվարդ, Քանաքեռ, Նորագավիթ, Վաղարշապատ և այլն) բնակիչներ կանգնեցին նրանց ճանապարհին և փախուստի մատնեցին: Նրանք նաև Օշական մտան, որտեղ ժողովուրդը հերոսական դիմադրություն փախուստի մատնեց նրանց²:

1639 թ. Կասրե-Շիրինի պայմանագրով թուրք-պարսկական պատերազմներն ավարտվեցին, և Օշականը շարունակեց մնալ Հայաստանի՝ Սեֆյան Պարսկաստանի կողմից նվաճված մասում:

1 Առաքել Դավրիժեցի, Պատմություն, էջ 73-74:

2 «Նայ ժողովրդի պատմություն», հ. 4, էջ 106:

Առաքել Դավրիժեցու հաղորդած հաջորդ տեղեկությունները Օշականի մասին 1639-1645 թթ. Փրիլպպոս Աղբակեցի կաթողիկոսի (կթղ. 1633-1655 թթ.) օշականյան շինարարությունների վերաբերյալ է. «...Նոյակապ, լայնասիւս, բարձրարերձ... այս տաճար-հանգարարանի ողջ տանիքը վաղ ժամանակներից փրվել, նսրել էր, միայն Ավագ խորանն էր մնացել ծածուկ»¹: Հարկ է նշել այն փաստը, որ թուրք-պարսկական պատերազմների ընթացքում Օշականից դանձվող հարկերը չեն տրվել Մայր Աթոռին, և միայն Փրիլպպոս Աղբակեցու գահակալության շրջանում է վերականգնվել Ս. Էջմիածնին տրվող մուլքը²: Եկեղեցու վերականգնումն էլ տեղի ժողովուրդին հայրենի հավատին ամուր պահելու, ազգային դիմագիծը պահելու և մեծն Մաշտոցի գերեզմանի ասպատակության համար էր: Այս կերպ, փաստորեն, Օշականը հոգևոր վերաշինության փորձ էր կատարում շուրջ մեկ ու կես հարյուրամյակ տևած թուրք-պարսկական պատերազմներից հետո:

Այսպիսով, Օշականը մուտք գործեց միջնադար՝ որպես Նայասարանի կարևոր հոգևոր, քաղաքական և կրթական կենտրոններից մեկը, սակայն դուրս եկավ միջնադարից՝ մի կերպ պահպանելով գոյության իր իրավունքը:

1 Առաքել Դավրիժեցի, Պատմություն, էջ 277:

2 Սիմեոն կաթողիկոս Երևանցի, Ջամբո, էջ 152:

ԳԼՈՒԽ Զ

Օջականը XVIII-XIX դարերում

Սեֆյան Պարսկաստանի կազմում Օջականը գտնվում էր նախ Չուխուր-Սաադի բեկլարբեկուլթյան, իսկ 18-րդ դ. կեսերից՝ Երևանի խանուլթյան Կարբեբասարի մահալի կազմում:

Նոր դարերում Օջականի առաջին հիշատակուլթյունը փոքր-ինչ զավեշտալի մի ողբերգուլթյան հետ է կապված. 1725 թ. հոկտեմբերի 10-ին Օջականում Աստվածատուր Լաճառյանցի (կթղ. 1715-1725 թթ.) կաթողիկոսը Լուսնի խավարումը դիտելիս ընկնում է գմբեթի բարձունքից և 4 ժամ անց վախճանվում¹:

Հաջորդ հիշատակուլթյունը տեղ է գտել Աբրահամ Գ Կրետացու (կթղ. 1734-1737 թթ.) մոտ. նա 1734 թ. Մուղնի այցելելիս չի շրջանցել նաև Օջականը²:

Նազիր խանը 1735 թ. Ս. էջմիածնին պատկանող գյուղերը, այդ թվում՝ Օջականը, ազատել է Երևանի խանին վճարվող հարկերից՝ նպատակ ունենալով այդ կերպ ամրապնդելու իր հեղինակուլթյունը հայ բնակչուլթյան շրջանում³:

1740-ական թթ. սկզբներին սուր պայքար է ընդունում Ս. էջմիածնի վանքի և Պարսկաստանի տարածքից Հարավարևելյան Այսրկովկաս ներխուժած մուղանլու կոչվող թյուրքական ցեղի՝ Արարատյան դաշտ ներխուժած առանձին խմբերի միջև պայքարը Օջականի հողերի համար⁴: Նազիր

չահի (1736-1744 թթ.) մահվանից 4 տարի անց՝ 1748 թ.¹, մուղանլու ցեղն ընդհարման ժամանակ սպանում է Հակոբ եպիսկոպոս Խամսեցուն, ով ուղարկվել էր Մայր Աթոռից, և գյուղն ամբողջութամբ անցնում է քոչվորակենցաղ ցեղի ձեռքը: Գյուղի հայ բնակչուլթյան համար սկսում է գյուղատնտեսական բնականոն աշխատանքի խաթարման 20-ամյա մի ժամանակահատված, երբ վարելահողերը վերածվում էին քոչվոր անասնապահների արոտավայրերի²: Դա բավական չէր, 1760 թ. լեզգիները թալանչիական նկատառումներով ներխուժում են Արարատյան դաշտ, տիրում Օջականին և այնտեղից հարձակումներ գործում Վաղարշապատի վրա³: Ձմռան մոտենալուն պես նրանք վերստին հեռանում են:

Սիմեոն Ա Երևանցի (կթղ. 1763-1780 թթ.) կաթողիկոսը 1768 թ. վճռական գործողուլթյունների է անցնում մուղանլու ցեղի դեմ, ազատում Օջականը նրանցից ու տեղաբնիկ հայ բնակչուլթյան հեռացած զանվածներին իրենց հայրենի գյուղը վերադարձնում, և Օջականը վերստին Ս. էջմիածնի վանքին պատկանող գյուղ է դառնում⁴:

Ուշադրուլթյան է արժանի այն փաստը, որ Սիմեոն Երևանցու ատենադպիրը՝ Երեմիան, օջականցի է եղել: Երեմիա Օջականցու գրչին է պատկանում 1765 թ. գրառված մի փաստաթուղթ⁵, որի շնորհիվ հնարավոր է պարզել տվյալ

արժեքը հայաստանի պարմական էթնոսոցիոլոգիայի համար, «ԵՊՀ ՈՒԳԸ գիտական հոդվածների ժողովածու», հ. 1, Երևան, 2012, էջ 166:

1 Այս թիվն սրացել ենք Սիմեոն Երևանցու և Մ. արք. Օրմանյանի հաղորդած փեղեկությունների համադրմամբ: Մ. Օրմանյանը մուղանցիների օկուպացիայի ժամանակահատվածը 20 տարի է կշռում, իսկ Սիմեոն Երևանցին վերադառնում է նրանց 1768 թ., ուստի՝ 1768-20=1748:

2 Մ. արք. Օրմանյան, Ազգապատմ., հ. 2, էջ 3525:

3 «Հայ ժողովրդի պատմություն», հ. 4, էջ 196:

4 Տե՛ս Սիմեոն կաթողիկոս Երևանցի, Ջամբո, էջ 51:

5 Տե՛ս Երեմիա Օջականցի, Աստուածակառոյց մեծի Աթոռոյս սրբոյ էջմիածնի համայն նուիրակաց յաղագս նուիրակական արդեանց շրջագայելի քաղաքն հանդերձ գիղաքաղաքօր նոցին, ըստ յարուկ յարուկ անուանց մի ըստ միջոց ստորագրին, «Դիւան հայոց պատմութեան», գիրք Գ, Թիֆլիս, 1894, էջ 797-806:

1 Մ. արք. Օրմանյան, Ազգապատմ., հ. 2, Ս. էջմիածնի, 2001, էջ 3286:

2 Տե՛ս Աբրահամ Կրետացի, Պատմութիւն անցիցն իւրոց և Նապր-շահին Պարսից, քննական բնագիր. աշխ. Ն. Ղորղանյանի, Երևան, 1973:

3 Տե՛ս Սիմեոն կաթողիկոս Երևանցի, Ջամբո, էջ 163-164: «Հայոց պատմություն», ՀՀ ԳԱԱ հրատ., հ. 3, գ. Ա, Երևան, 2010, էջ 93:

4 Մալխասյան Մ., Սիմեոն Երևանցու «Ջամբո» երկի աղբյուրագիտական

ժամանակաշրջանում հայաբնակ բնակավայրերի գրեթե ամբողջական պատկերը:

Քանի որ խոսեցինք օջականցի ատենադպիրի մասին, հարկ ենք համարում նշել այն հանգամանքը, որ Օջականը, զարգացած և ուշ միջնադարում ու նոր ժամանակներում լինելով գյուղատնտեսական աշխատանքների կենտրոն, կորցրել է կրթական հզոր կենտրոնի իր նախկին դերը՝ այդպես էլ չստեղծելով գրչութայն այնպիսի հզոր դպրոց, ինչպիսին կար, օրինակ՝ իրենից ոչ շատ հեռու գտնվող Հովհաննավանքում: Պատահական չէ, որ օջականյան գրչությունից մեզ հասած եզակի նմուշներից ամենաարժեքավոր աշխատանքը 1414 թ. այստեղ օրինակված «Աստվածաշունչ» է¹:

Այսպիսով, չնայած քաղաքական անբարենպաստ անցողիկներին, Սիմեոն Ա Երևանցի կաթողիկոսի ջանքերով Օջականը 18-րդ դ. 60-ական թթ. 2-րդ կեսից վերստին սկսել է ապրել իր բնակական կյանքով:

* * *

1801 թ. Արևելավրացական (Քարթլ-Կախեթի) թագավորութունը միացվեց Ռուսական կայսրութայնը: Սա կայսրութայն անաջին լուրջ տարածքային ձեռքբերումն էր Այսրկովկասում: Արևելավրացական թագավորութայն կազմում Ռուսաստանին անցան նաև Լոռի-Փամբակը, Ղազախը և Շամշադինը: Փաստորեն, սկսվեց Արևելյան Հայաստանի՝ Ռուսաստանին միանալու գործընթացը: Աստիճանաբար ռուս-պարսկական հարաբերություններն այնքան լարվեցին, որ 1804 թ. սկսվեց ռուս-պարսկական առաջին պատերազմը: Նախ հունիսին ռուսները գրավեցին Գանձակի խանությունը: 1804-1807 թթ. Օջականից և շրջակա մի քանի բնակավայրերից (Վաղարշապատ, Աշտարակ) մեծաթիվ հայեր ռու-

սական սահմանից Երևան բացված ճանապարհով զնացին Գանձակի նախկին խանության Փամբակաձոր գյուղը՝ այդ կերպ փախչելով պարսկական տիրապետությունից¹: 1813 թ. հոկտեմբերի 12-ին կնքված Գյուլիստանի պայմանագրով արևելահայկական տարածքներից Ռուսաստանին անցան Ղարաբաղը, Ջանգեղուրը, Շիրակը, սակայն Արևելյան Հայաստանի մեծ մասը, այդ թվում՝ Օջականը, մնաց Պարսկաստանի տիրապետության տակ:

Գյուլիստանի պայմանագրի կնքումից հետո երկու հարևան պետությունների միջև հարաբերությունները խիստ լարված մնացին, և 1826 թ. սկսվեց ռուս-պարսկական երկրորդ և վերջին պատերազմը: 1826 թ. հուլիսին պարսկական թագաժառանգ Աբաս-Միրզան 60 000-ոց բանակով ներխուժեց Ռուսական կայսրության սահմանները: Ռուսները մինչև աշուն անհաջողություններ կրեցին, այնուհետև սկսվեց կորցրած տարածքների ետգրավումը: Նշանակալի էր 1826 թ. սեպտեմբերի 3-ին հայազգի զենեռալ Վալերիան Մադաթովի գլխավորությամբ ռուսական 2 000-ոց զորամասի հաղթանակը 10 000-ոց պարսկական զորքի նկատմամբ: Էլ ավելի կարևոր նշանակություն ունեցավ սեպտեմբերի 13-ին Գանձակի մոտ զենեռալ Իվան Պասկևիչի գլխավորած 8 000-ոց ռուսական զորքի հաղթանակը Աբաս-Միրզայի 35 000-ոց զորքի նկատմամբ: Հոկտեմբերին ռուսները ետ են մղում պարսիկներին ռուսական սահմանից: Միմյանց էին հաջորդում ռուսական բանակի նորանոր հաջողությունները: Սակայն Աբաս-Միրզան չհաշտվեց այս ամենի հետ: 1827 թ. օգոստոսի 6-ին նա գրավում է Աշտարակը, իսկ օգոստոսի 15-ին՝ 30 000-ոց զորքով գրոհում է Ջմիաձնի վրա: Շոգից պատսպարվելու և զորքին հանգիստ տալու նպատակով զենեռալ Աֆանասի Կրասովսկին զորքով հաստատվել էր Արագածի լանջերին: Էջմիաձնի պաշարման մասին լուրն առնելով՝ օգոստոսի 16-ին Ա. Կրասովսկին Ապարանի ռու-

1 Տե՛ս հակոբյան Թ., Մելիք-Բախչյան Սր., Բարսեղյան Ն., Հայաստանի և հարակից շրջանների րեղանունների բառարան, հ. 5, էջ 482:

1 «Հայ ժողովրդի պատմություն», հ. 5, Երևան, 1974, էջ 18:

սական ճամբարից 12 թնդանոթ և շուրջ 3 000-ոց զորք է վերցնում, այդ թվում՝ 100 հայ ու 40 վրացի աշխարհագորային, և շտապում փրկել Էջմիածնի կայազորը, վանականությանն ու ողջ քրիստոնյա ազգաբնակչությունը: Օգոստոսի 17-ին Օշականից 2 վերստ (2,14 կմ) հեռավորություն վրա հանդիպում են ռուսական և պարսկական զորքերը: Աբաս-Միրզան փակում է Էջմիածին տանող ճանապարհը և ցանկանում է, այդ 3 000-ին ոչնչացնելով, բացել Թիֆլիս տանող ճանապարհը: Ապարանից Օշական առանց հանգստի գնացած ռուս զինվորներն ու աշխարհագորայիները հոգնած և քաղցած էին: Աբաս-Միրզան դասավորում է իր հրանոթները Դիտի կոնդի վրա: Նա հաշվի էր առել, որ ռուսները հոգնած և քաղցած էին, ուստի թնդանոթներն ուղղում է դեպի գետը, ուր կարող էին նետվել ծարավ ռուս զինվորները: Ծուղակն ընկած ռուսներին մյուս կողմից պետք է հարվածեին Ջաֆար խանի փորձված մարտիկները¹: Այսպիսին էր պարսկական հրամանատարությունից ծրագիրը:

Օշականի ճակատամարտին Էջմիածնից տագնապով հետևող Ներսես արքեպիսկոպոս Աշտարակեցին գրել է. «Անսի 17-ին, երբ լուսացալ... մոտ ժամի 8-ին երևեցավ ռուսական բանակը Աշտարակի դիմացը: Իսկ պարսից զորքը պարսապար վիճակի մեջ դրվեց Օշականի գետակի եզերքին, և երբ ռուսաց զորքը մոտեցավ նրանց, սխևցին նախ թնդանոթ արձակել, և ապա չափազանց սաստիկացավ սհեղատեսիլ պարերագնը՝ սկսած ժամը ութից մինչև ժամը 5-ը, կեսօրից հետո»²:

Պարսկական բանակը բաղկացած էր 9 000 հետևակից և 21 000 հեծյալից, իսկ զինտեխնիկան՝ 24 թնդանոթից, որոնցից 3-ը բավականին մեծ էին: Պարսիկների կողմից 700 անգամից ոչ պակաս հրետանային հարված հասցվեց, իսկ ռուսների կողմից՝ մի քանի անգամ ավելի քիչ³:

1 Շահազիզ Ե., Աշտարակի պայքարները, Երևան, 1987, էջ 136-137:

2 «Հայ ժողովրդի պայքարներ», հ. 5, էջ 152:

3 Նույն տեղում:

Կանգ չառնելով խոշոր կորուստների առաջ՝ Աբաս-Միրզան աստիճանաբար ռուսական զորագունդն օղակելու վտանգ է ստեղծում: Այդ ծանր պահին հանկարծ պարսկական զորքերի գլխին որոտում է հրանոթի հզոր համազարկը: Պարսիկներն սկսում են խուճապահար նահանջել՝ կարծելով, թե կրասովսկու զորագնդին օղնություն են հասել օժանդակ ուժեր՝ ծանր հրետանիով: Սակայն ռուսական զորքին ոչ մի ուժ օղնություն չէր եկել: Այդ պարսկական բանակ զորակոչված նորքեցի նշանավոր թնդանոթաձիգ Հակոբ Հարությունյանն էր, որ տեսնելով ռուսական զորագնդի աղետալի վիճակը, իր կյանքը վտանգելով, անգլիական նոր ծանր թնդանոթն ուղղում է պարսկական զորաշարքերի դեմ: Մինչև թշնամին ուղքի կգար և կհասկանար կատարվածը, կրասովսկու զորագունդը ճեղքում է հակառակորդի շղթան և ժամը 17-ին մտնում Էջմիածին: Հ. Հարությունյանը փորձում է փախչել և միանալ ռուսական զորքին, սակայն Էջմիածնի մատուցյներում բռնվում է ու ենթարկվում հրեշտակալի խոշտանգումների. փորվում են նրա աչքերը, կտրվում քիթը, շրթունքները, ականջներն ու կրունկները: Որոշ ժամանակ անց Հ. Հարությունյանը, ուղքի գալով, մի կերպ հասնում է Էջմիածին, որտեղ սկսում են բուժել նրա վերքերը: Հ. Հարությունյանին իր ցուցաբերած սխրագործությունից համար ռուսական կառավարությունը սահմանեց տարեկան 100 ռուբլի ցմահ կենսաթոշակ¹:

Օշականի ճակատամարտում պարսիկները կորցրին ավելի քան 3 000 զինվոր, իսկ վիրավոր՝ շատ ավելի, ռուսները՝ 1 131 սպանված և մոտ 200 անհետ կորած²: Հայերը, ի հավերժացումն Օշականի ճակատամարտում զոհված ավելի քան 1 000 ռուս զինվորների հիշատակի, Էջմիածնից 4 կմ հեռավորություն վրա 1833 թ. մայիսի 9-ին մեծ հանդիսավորությամբ

1 Նույն տեղում:

2 «Հայկական համառոտ հանրագիրարան», հ. 4, «Օշականի ճակատամարտ» բառահոդված, էջ 923:

հիմք դրեցին մի հուշարձանի (ճարտարապետ՝ Կոմպանեյսկի), որի կառուցումն ավարտվեց 1834 թ.:

Չնայած Օշականի ճակատամարտում ռուսները բազմաթիվ զոհեր տվեցին, սակայն ձախողեցին Աբաս-Միրզայի՝ էջմիածինը գրավելու և Թիֆլիս շարժվելու պլանը ու մեծապես նպաստեցին զորքի մարտական ոգու բարձրացմանն ու հետագա հաջողություններին: Օշականի հայ ազգաբնակչությունը նույնպես մասնակցում էր ճակատամարտին, սակայն գլխավորապես տնտեսական առումով, այսինքն՝ ապահովելով պարենավորումը: Ռուսական տիրապետության տակ անցնելուց հետո՝ 1827 թ. սեպտեմբերի վերջին, օշականցիները Քանաքեռի, էջմիածնի և Աշտարակի գյուղացիների հետ միասին աշխարհագրային գնդեր կազմեցին և մեծաքանակ պարենով շարժվեցին դեպի Երևան, որն արդեն մի քանի օր չըջապատված էր ռուս զինվորներով: Սրան նպաստեց ռուսներին տրամադրվող օգնությունն ավելացնելու մասին Ներսես Աշտարակեցու կոչը¹: Հայերի համակրությունն անկասկած ռուսների կողմն էր, որի մասին են վկայում նաև իրենք՝ ռուսները: Անհրաժեշտ է հատկապես նշել Օշականի ճակատամարտի ակտիվ մասնակից, դեկարրիստ Ե. Լաչինովի խոսքերը. «Եվ զարմանալի չէ, որ խաղաղ բնակիչներն իրենց մեր պաշտպանությանն էին հանձնում. մենք րեսանք նրանց լիակատար վստահությունը ռուսների հանդեպ: Նրանց երախտագիտությունը մեզ հուզեց»:

* * *

Թուրքմենչայի պայմանագրով (1828 թ. փետրվարի 10) Երևանի և Նախիջևանի խանությունները անցան Ռուսական կայսրությունը: Երևանի խանություն կազմում գտնվող Օշականը բնական է՝ նույնպես անցավ ռուսներին: 1828-1840 թթ. այն նախ ընդգրկվում է Հայկական մարզի Երևանի գավառի Կարբիբասարի մահալի², այնուհետև 1840-1846 թթ.՝

1 «Հայ ժողովրդի պատմություն», հ. 5, էջ 164:

2 Տե՛ս «Վայասրանի ազգային պրակ», հ. Բ (քարտեզ)՝ «Հայկական մարզ

Վրաց-Իմերեթական նահանգի Երևանի գավառի¹, իսկ 1849 թ.-ից՝ Երևանի նահանգի էջմիածնի գավառի² սահմաններում:

Կառավարական և վարչատարածքային հարցերի լուծումից հետո ռուսներն անցան Ս. էջմիածնի իրավունքների կանոնակարգմանը: 1836 թ. մարտի 11-ի կանոնադրությամբ (պոլոժենիե) Օշականը դարձավ Մայր Աթոռի վանքապատկան կալվածք: Պետական հարկեր դրվեցին՝ եկեղեցուն տալու անվան տակ: Դրանք ճշտվեցին 1870 թ. մայիսի 14-ի ցարական հոդային հրամանագրով: Վերջինով որոշվեցին իրենից հողային ռենտա ներկայացնող մուլքի, թիուլի և այլ հարկերի չափերը: Որպես մուլք՝ գյուղացիներից վերցվում էր գյուղամթերքի շուրջ 13.35 %-ը, որպես թիուլ՝ 10 %-ը: Այգու մթերքի յուրաքանչյուր 300 կգ-ի համար վարձվում էր 1 ռ. 20 կոպ., իսկ բոստանի յուրաքանչյուր 300 կգ-ից՝ 80 կոպ.: Ամեն տնտեսությունից 4 ռ. 25 կոպ. հարկ էր գանձվում³: Այս հարկերը գանձվում էին եկեղեցու անունից, սակայն վերջինիս հարկերի միայն մի չնչին մասն էր հասնում:

Չնայած ցարիզմի գաղութային քաղաքականությունը՝ ռուսական տիրապետությունը որոշակի աշխուժություն մտցրեց արևելահայություն մշակութային և հասարակական կյանքում:

19-րդ դ. Ս. Մեսրոպ Մաշտոց եկեղեցին կիսավեր վիճակում էր: Չնայած 1840 թ. Հովհաննես Ը Կարբեցի կաթողիկոսը (կթղ. 1831-1842 թթ.) նորոգում է այն, սակայն մի քանի տարի անց այն կրկին անմխիթար վիճակում է հայտնվում: 1850 թ. Ներսես Ե Աշտարակեցի Շահադիդյան կաթողիկոսը (կթղ. 1843-1857 թթ.) դիմում է Սինոդին՝ Օշականի գլխավոր եկեղեցին վերակառուցելու համար, սակայն ապարդյուն:

(21.03.1828 թ. - 10.04.1840 թ.), հեղինակ՝ Բ. Հարությունյան, մասշտաբ՝ 1:800 000, Երևան, 2008, էջ 72:

1 Տե՛ս նույն րեղում (քարտեզ)՝ «Անդրկովկասը (1840-1860 թթ.)», հեղինակ՝ Ն. Սարգսյան, մասշտաբ՝ 1:3 000 000), էջ 74:

2 Տե՛ս նույն րեղում:

3 «Հայ ժողովրդի պատմություն», հ. 6, Երևան, 1981, էջ 48-49:

Վանքի անմխիթար վիճակի մասին մենք մանրամասնորեն տեղեկանում ենք Միքայել Նալբանդյանի «Օշական» բանաստեղծությունից, որը, ըստ գրականագետ Նշան Մուրադյանի, գրվել է 1861 թ. սեպտեմբեր-հոկտեմբեր ամիսներին, Օշականում կամ Ս. Էջմիածնում: Առաջին անգամ այն տպագրվել է «Մեղու» պարբերականի 1861 թ. 117-րդ համարում՝ «Կոմս Էմմանուել» ստորագրությամբ¹: Ստորև ներկայացնում ենք մեծանուն բանաստեղծի «Օշական» բանաստեղծությունը².

Օշակա՛ն,
Վեհ հայերի գերեզման.
Ավերակ տաճարիդ մեջ
Մեսրոպի վայր հանգստյան,

Որ ազգին գիր պարգևեց,
Կյանք տվեց հայոց լեզվին,
Ազգը նորա գլացավ
Գիր ընծայել անշուք շիրմին:

Խարխալյալ տաճարի մեջ,
Քրիստոսյան սեղանի տակ,
Ննջում է այն մեծ հայրը.
Օշական, քեզ փառք պարծանք:

Բայց ազգին որ նա սիրեց,
Որի համար շատ քրտնեցավ,
Այդ ազգին ես չեմ ներում,
Որ Մեսրոպին այդպես մոռցավ:

Գետնափոր այն բեմի տակ
Սողալո՞վ պետք էր մտնել,

Կամ անթափանց խավարում
Քարը մոմո՞վ տեսանել:

Ո՛հ, Մեսրոպ, ների՛ր դու ինձ,
Իբրև որդու քո ազգի.
Ապերախտ եմ առաջիդ,
Որպես անդամ ամբողջի:

Օշակա՛ն,
Վեհ հայերի գերեզման.
Քո ժայռից ես ցած իջա,
Ուստի հերոսն մեր Վահան:

Բայց Վահան դեռ նայեցավ
Եկեղեցուն, որ շինեց.
Նա տեսավ շքեղ տաճար
Ու դեպի նա աղոթեց:

Իմ աչքին ի՞նչ երևեց, -
Մի շինվածք կիսակործան,
Որի գլխին կորացած
Երկաթյա խաչ քրիստոսյան:

Դարավոր փոշվով ծածկած,
Տաճարի պարսպի տակ,
Կա մի ծակ, ուր օձի պես
Կարե մտնել մարդ միայնակ:

Առ խարխափ շոշափելով
Գտնում է այն ծակի մեջ
Քարի ծայր.... անգիր, անհուշ....
Այդ ի՞նչ քար է այդպես անտեր:

1 Նալբանդյան Մ., Երկերի լիակարգ ժողովածու, հ. 1, Երևան, 1945, էջ 506:

2 Տե՛ս նույն փեղում, էջ 98-99:

Լսելով պատմում է քեզ
Գյուղական խեղճ քահանան,
Թե այնտեղ ամփոփված է
Մեր քաջ Վահան Մամիկոնյան,

Որ ազգին կյանքը տվեց,
Հայրենիքին կացավ պաշտպան.
Ազգը նրան զլացավ
Կառուցանել մի գերեզման:

Օջակա՛ն,
Վեհ հայերի գերեզման.
Բողոքի՛ր մինչև երկինք,
Ընդդեմ այս տմարդության:

Բարձրաբերձ քո ժայռերից
Արծաթալիք մեր Քասաղը
Թնդալով անցանում է,
Մինչև Վարգեսի ավանը¹:

Նվիրական այն հին գետին
Հանձն արա՛ ալիքներին
Հասցրնել քո գանգատը
Էջմիածնյան վեհապետին:

Իրավիճակը փոխվում է 1860-ական թթ. վերջերին: Մինոզի անդամ Գևորգ վարդապետի վկայությամբ՝ 1868 թ. Գևորգ Դ Կոստանդնուպոլսեցի Քերեստեճյան կաթողիկոսը (կթղ. 1866-1882 թթ.) ծածուկ հանգանակություն է կազմակերպում Օջականի Ս. Մեսրոպ Մաշտոց եկեղեցին վերանորոգելու համար: Մինչև 1872 թիվը 7 000 ուռբլի է ձեռք բերվում, որը բավարար չէր՝ վերականգնման այդպիսի

աշխատանքներ կազմակերպելու համար: Նույն թվի հուլիսին «Արարատ» ամսագրում լույս է տեսնում մի հոդված՝ «Դամբարան և եկեղեցի սուրբ Մեսրոպ թարգմանչի յՕջական», որտեղ ասվում է, որ շինարարական աշխատանքները կսկսվեն 1873 թ. գարնանը և կավարտվեն 1879 թ., եթե գումարը ժամանակին հավաքվի, այս շարունակում է. «Արդեն հայագոյի ժողովուրդը նոյն գիտի բաւական նուէր ստորագրած են ի ժապախենալ յայրուկ րոմնարին. որ յսնձնուած է հոգարարձութեան շինութեան: Նաև Գզարի քաղաքացի Մեծապարիս և Ազգասէր Մահրեսի Եսայի Իզմիրեան ստուջարկութեամբ Վեհ. հայրապետի՝ գրուեցավ 500 րուբլի, որում արժանի գովութիւնը և շնորհակալութիւնը կ'փութամբ մարտցանել հրապարակաւ «Արարատ» ամսագրոյս միջոցաւ:

Սոյնպէս կը դրուարեմք Օջական գեղջ քերմեանդ ժողովրդեան եռակողմ՝ հանդերձ գոհունակութեամբ. և ակշուշտ եմք, զի նոքա ինչպէս դրամական նոտարքերութեամբք նպաստարամարոյց կ'իինին, նոյնպէս և այլ կարևոր միջոցներով շինութեան օգնել երրէք չպիտի դանդաղին»: Շինարարությունն սպասվածի պես ավարտվեց 1879 թ.: Գևորգ Դ-ն շինարարության ավարտվելուն պես թողեց իր բյուրականյան ամառանոցը և զնաց Օջական: Այնտեղ նա կոնդակ արձակեց, ըստ որի եկեղեցու օծումը պետք է կատարվեր 1879 թ. հոկտեմբերի 21-ին: Նշված օրը կատարվում է եկեղեցու օծումը, որից հետո ճաշկերույթ է կազմակերպում եկեղեցու կողքին 1874 թ. կառուցված միահարկ փոքրածավալ մի շենքում: Այդ շենքը արտաքին նմանություն ուներ նույն տարում կառուցված Գևորգյան հոգևոր ճեմարանին: Ճաշկերույթի ժամանակ 560 ուռբլի գումար նվիրատվություն է հավաքվում: Շուտով այդ միասենյակ շենքը եռասենյակ է դառնում, սակայն շենքի ծավալը չի ավելացվում, այսինքն՝ շենքը 3 մասի է բաժանվում: Այն փոքրիկ

1 Վարդգեսավան, այսինքն՝ Վաղարշապատ:

1 Դամբարան և եկեղեցի սուրբ Մեսրոպ թարգմանչի յՕջական, «Արարատ», Ս. Էջմիածին, 1872, էջ 286:

հայկական կրթօջախ է դառնում¹: Ի ուրախություն մեզ՝ հուշաբարը պահպանվել է:

1882 թ. Օշական է այցելում Անդրեաս արքեպիսկոպոս Կոստանդնուպոլսեցին, որը նախկինում Ղարաբաղի թեմի առաջնորդն էր եղել: Նա անգամ իր կողմից հուշաբար է կանգնեցնում Մաշտոցի գերեզմանի մոտ՝ նշելով եկեղեցում կատարված կառուցումների և վերանորոգումների տարեթվերը և կառուցողների ու իր անունը:

1884 թ. Օշականի շինարարական աշխատանքները նոր թափ են առնում: Դա պայմանավորված էր նրանով, որ 1882 թ. Գևորգ Դ-ն մահացել էր, և շինարարական աշխատանքները դադարել էին: Սակայն 1884 թ. նրա ծրագրերն ի կատար ածվեցին: Նախ և առաջ մարմարյա տապանաքար դրվեց Մաշտոցի և տուֆից՝ Վահան Ամատունու գերեզմանների վրա: Ավարտվեց եկեղեցու զանգակատան շինարարությունը: Ղ. Ալիշանի հավաստմամբ՝ զանգակատան օձման ժամանակ Մեսրոպ եպիսկոպոս Սմբատյանի ձեռքով մի մարդաչափ խաչ կանգնեցվեց զանգակատան վրա: Այն նվիրել էին թիֆլիսցի թայիրյանները²:

1903 թ. հունիսի 12-ին ռուսաց Նիկոլայ 2-րդ կայսեր (1894-1917 թթ.) հրամանագրով բռնազրավման էին ենթակա հայոց եկեղեցու կալվածքները, գույքը, ավանդները: Եկեղեցապատկան կալվածքներից Մայր Աթոռ Ս. Էջմիածնին էին թողնվում միայն այն հողերը, որոնց վրա կամ կային վանքեր և եկեղեցիներ, կամ էլ նոր պետք է կառուցվեին: Այսպիսով, վանքապատկան գյուղերի գյուղատնտեսական հողահանգակները, այդ թվում՝ Օշականի մշակելի հողերը ևս ենթակա էին բռնազրավման: 1905 թ. օգոստոսի 1-ին Նիկոլայ 2-րդը չեղյալ հայտարարեց 1903 թ. հունիսի 12-ի հրամանագիրը, և վանքապատկան կալվածքները մնացին Մայր Աթոռի տնօրինության ներքո:

1 Վ. վրդ. Տերյան, Օշակաի Սուրբ Մեսրոպ Մաշտոց եկեղեցին, «Էջմիածին» ամսագիր, Ս. Էջմիածին, 1963, թ. 3, էջ 22-29:

2 Նույն փեղում:

Այնուհանդերձ, 1913 թ. հունվարի 1-ին ցարական իշխանությունների կողմից որոշում կայացվեց, որով մինչ այդ վանքապատկան գյուղ հանդիսացող Օշականի բնակչությանը պարտադրվեց հարկերը վճարել ոչ թե Մայր Աթոռին, այլ կալվածատերերին¹:

Փաստորեն, Ս. Էջմիածնի վանքապատկան հինգ գյուղերը (Էջմիածին, Մասրարա, Օշական, Եղվարդ, Մուղնի) ձևականորեն մնացին Ս. Էջմիածնի ձեռքում, սակայն, ըստ էության, Օշականը կալվածարիական սեփականություն դարձավ: Այսպիսով, 1913 թվականից Օշականը դադարում է վանքապատկան կալվածք լինելուց:

1 «Նայ ժողովրդի պարմություն», հ. 6, էջ 446-447:

ԳԼՈՒԽ Է

Օջականը XX-XXI դարերում

20-րդ դ. առաջին կեսին Օջականում, ըստ էության, նշանակալի որևէ իրադարձություն չի եղել: Ինչպես գիտենք, 1920-1930-ական թթ. խորհրդային իշխանությունների կողմից զանգվածաբար փակվել են հայկական եկեղեցիները, և այդ հարցում բացառություն չի կազմել նաև Օջականի Ս. Մեսրոպ Մաշտոց եկեղեցին: 1937 թ. մայիսի 9-ին Ամենայն Հայոց կաթողիկոս Խորեն Ա Մուրադբեկյանը գրություն է առաքել Խորհրդային Հայաստանի ներքին գործերի ժողովրդական կոմիսար Խաչիկ Մուղղուսուն՝ խնդրելով կարգադրել տեղական իշխանության մարմինն՝ չփակելու Օջականի եկեղեցին, «որ համահայկական նշանակություն ունի որպես սրբավայր»¹: Այնուհանդերձ շատ չանցած եկեղեցին փակվել և աստիճանաբար քայքայվել է. ամբողջովին շարքից դուրս է եկել վերմուտնյա փայտյա օթյակը և այլն:

Եկեղեցին վերանորոգման կարիք էր զգում: Այդպիսի դրություն մեջ երջանկահիշատակ Վազգեն Ա Պալճյան կաթողիկոսը (կթղ. 1955-1994 թթ.) խորհրդային իշխանություններից ստացած հատուկ թույլտվությամբ 1960 թ. վերաբացել է եկեղեցին: Շուտով հայտնվեցին միլանահայ բարերարներ ծագումով երզնկացի Հայկ և Թորգոմ Ղազարոսյան եղբայրները, որոնք, ի հիշատակ իրենց ծնողների, գումար տրամադրեցին՝ եկեղեցին վերանորոգելու համար:

Վերանորոգչական աշխատանքներն սկսվեցին 1960 թ.: Գևորգ Դ-ի կառուցած փայտե Ս. Սեդանը փոխարինվեց իտա-

լական մարմարից պատրաստված Ս. Սեդանով: Վերջինիս հովանավորները հայր և որդի Գևորգ և Նազար Պալյաններն էին, իսկ ճարտարապետը՝ Մայր Աթոռի գլխավոր ճարտարապետ Ա. Գալիկյանը: Նույն 1960 թ. հանվեց եկեղեցու փայտե վերնատունը, և Ս. Մեսրոպ Մաշտոցի գերեզմանի բազալտե տապանաքարը փոխարինվեց օնիքսե տապանաքարով (ճարտարապետ՝ Լ. Սադոյան): 1961 թ. Արթիկի տուֆով պատրաստվեց ներսի Այբուբեն-հուշարձանը, որի հեղինակը Բ. Արզումանյանն է: 1962 թ. Օջական-Աշտարակ ճանապարհի վրա Մաշտոցի ծննդյան 1600-ամյակի առթիվ «Հայ գրերի 1600-ամյակին» վերտառությամբ երկհատված հուշարձան (ճարտարապետ՝ Զ. Թորոսյան) կանգնեցվեց, որն էլ սկսեց Օջականի մուտքը խորհրդանշել: Մինչ այդ Մաշտոցի գերեզմանատանը երկաթակուռ մի ջահ է կախվել (ճարտարապետ՝ Ռ. Իսրայելյան): 1964 թ. ճարտարապետ Ա. Իսրայելյանի նախագծով եկեղեցու հարավարևմտյան անկյան մոտ մի աղբյուր է կառուցվում: 1964-66 թթ. կալկաթայաբնակ նորջողայեցի Պետրոս Ալեքսանյանի բարերարությամբ Հենրիկ Մամյանն ու Հովհաննես Մինասյանը եկեղեցին ներսից զարդարում են «Փառք հայ գրի ու դպրության» որմնանկարաշարով: Որմնանկարները հիմնականում պատկերում են հայ գրերի դերը, Մաշտոցի մուտքը Վաղարշապատ, Վարդանանց պատերազմը, հայկական գարնան միջոցով՝ Հարությունը և հատկապես Հիսուսին խորհրդանշող ծառը: Վերջինս բերք է տալիս 12 նուռ, որոնք 12 առաքյալներին են խորհրդանշում: Դրանք իրենց հերթին բաղկացած են բազում հատիկներից և ապա մասնիկներից, որոնք էլ քրիստոնյաներն են: Նուան անպիտան մասերն էլ ուղիղ հավատքից շեղվածներն են: Խորանի նկարի հեղինակը Հ. Մամյանն է:

Վազգեն Ա-ի նախաձեռնած շինարարական աշխատանքները 1966 թ. ամբողջությամբ ավարտվում են, և եկեղեցին սկսում է վերստին հյուրընկալել ուխտավորներին և տեղի հավատացյալներին:

¹ Ղազարյան Վ., 1937-ը հայաստանում, 2-րդ հրատ., Երևան, 2005, էջ 60-61:

խորհրդային տարիներին Օշականում ստեղծվում են որոշակի ենթակառուցվածքներ: Կարգավորվում է բնակչության զբաղվածության խնդիրը, ընդ որում՝ բնակչության Հիմնական զբաղմունք հանդիսացող այգեգործության, պտղաբուծության, բանջարաբուծության և անասնապահության կողքին բնակչության մի մասը սկսում է աշխատել թեթև և սննդի արդյունաբերության, ինչպես նաև մշակութային ոլորտում: Գյուղում բացվում են Երևանի կարի ֆաբրիկայի մասնաճյուղը, գինու գործարան, կերի միջընթացային ձեռնարկություն: Կրթական և մշակութային հաստատությունների շարքում 1863 թ.-ից գործող միջնակարգ դպրոցից բացի՝ բացվում են ութամյա և երաժշտական դպրոցներ, մշակույթի տուն, 3 գրադարան, մսուր-մանկապարտեզներ: 1964 թ. բացվում է գյուղի անունը կրող մանկական մասնագիտացված առողջարան¹:

1995 թ. հունիսի 10-ին Օշական է այցելում Գարեգին Ա Սարգսյան կաթողիկոսը (կթղ. 1995-1999 թթ.), ում տեղանքը շատ է դուր գալիս: Ի հիշատակ իր առաջին այցի՝ նա մի հուշակոթող-արևային ժամացույց է կանգնեցնում Ս. Մեսրոպ Մաշտոց եկեղեցու առջև: Եկեղեցու կողքին Մաշտոցի անվան դպրոցն էր գործում, որը 1874 թ. Գևորգ Դ կաթողիկոսն էր կառուցել, իսկ 1913 թ.՝ մեծացվել էր: 1996 թ. բարերար Զիվանի Կոբոյանի միջոցներով շենքը հիմնովին վերանորոգվել է և վերածվել թանգարանային համալիրի, որում խորհրդակցությունների դահլիճներ, թանգարան և գրադարան են գործում: 1996-97 թթ. Ժիրայր և Հասմիկ Գաբրիելյանների միջոցներով եկեղեցու հարևանությամբ գտնվող երկհարկ մի տան տեղում կառուցվում է Արագածոտնի թեմի (ստեղծվել է Գարեգին Ա-ի կոնդակով, 1996 թ. մայիսի 30-ին) առաջնորդարանը: Առաջին առաջնորդը Տ. Նավասարդ եպիսկոպոս Կճոյանն էր (03.06.1996 - 01.12.1999): Ներկա-

յունս թեմի առաջնորդն է Տ. Մկրտիչ եպիսկոպոս Պոռչյանը (01.09.2009-ից):

1998 թ. Լ. Թոքմաջյանը քանդակում է Մաշտոցի, Վռամ-չապուհի և Սահակ Պարթևի արձանները, որոնք տեղադրվում են գիտաժողովների դահլիճում: Նույն թվականին Լ. Թոքմաջյանը քանդակում է նաև Մաշտոցի տուֆե արձանը, որն էլ եկեղեցու բակում է կանգնեցվում: 2000 թ. Զ. Կորոյանի միջոցներով և Գարեգին Բ Ներսիսյան Ամենայն Հայոց կաթողիկոսի (կթղ. 1999 թ.-ից) հոգածությամբ ավարտվում են Ս. Մեսրոպ Մաշտոց եկեղեցու և նրա շրջակայքի վերանորոգչական աշխատանքները: Ներկայումս եկեղեցու կարող է 800 մարդ տեղավորվել:

2001 թ. Օշականը և Ֆրանսիայի Ալֆորվիլ փոքրիկ քաղաքը քույրանալու հուշագիր են կնքել՝ վերածվելով մշակութային սերտ կապեր ունեցող քույր բնակավայրերի:

2000-ական թթ. շարունակվել է բարեկարգվել Ս. Մեսրոպ Մաշտոց եկեղեցու տարածքը, կանգնեցվել է այբուբեն-հուշարձանախումբ և այլն: 2007 թ. բացվել է Խրիմյան կրթօջախը: Շարունակում են գործել 2 դպրոցները, մշակույթի պալատը և գրադարանը: Օրեցօր էլ ավելի է բարեկարգվում եկեղեցու տարածքը:

Շարունակվում է նաև գյուղի տնտեսական կյանքի վերաշինումը, ինչը կարևոր գրավական է հանդիսանում տեղական բնակչության խնդիրների կարգավորման համար:

Այսպիսով, Օշականը ներկայումս շարունակում է հոգևոր-մշակութային կենտրոնի նշանակություն ունենալ համայն հայության համար: Բարեկարգված վիճակում գտնվող վանական համալիրը սիրահոծարությանը ընդունում է իր ուխտավորներին: Ս. Մեսրոպ Մաշտոցի աճյունով սրբազործված վանքը վերստին քրիստոնեական լույսն է սփռում հայոց ազգի հայրենաբնակ և աշխարհաստիյոտ գավախներին՝ ներշնչելով ազգային հարստության հույս ու հավատը և մշտնջենական սեր:

1 Տե՛ս Նակորյան Թ., Մելիք-Բախշյան Սյր., Բարսեղյան Ն., Նայասարսի և հարակից շրջանների փոխանությունների բառարան. հ. 5, էջ 481:

ԳԼՈՒԽ Ը

Օշականի պարմաճարարապետական հուշարձանները

Օշականը ՀՀ տարբեր մարզերի բնակիչների և աշխարհասփյուռ հայության համար հայտնի է՝ որպես Ս. Մեսրոպ Մաշտոցի գերեզմանատեղի՝ իր հոյակերտ Ս. Մեսրոպ Մաշտոց եկեղեցով:

Փաստորեն, Օշականի ճարտարապետական մնացյալ հրապուլքները քչերին են հայտնի մեր հանրապետությունում, մինչդեռ Օշականը հարուստ ճարտարապետական ժառանգություն ունի: Հարկ է նշել, որ Օշականի ճարտարապետական գաղտնիքների բացահայտման գործում բացառիկ է Թորոս Թորամանյանի դերը:

Ստորև բերվում են Օշականի առավել հիշարժան ճարտարապետական հուշարձանները:

ա) Դոլմեններ, կրոմլեխներ, կիկլոպյան պարեր, գերեզմաններ, խաչքարեր

Օշականը հարուստ է մեգալիթյան (հունարեն՝ «մեգա»՝ մեծ, «լիթոս»՝ քար, այսինքն՝ «մեծ քար») հուշարձաններով՝ մենհիրներով, դոլմեններով և կրոմլեխներով:

Հին օշականցիները դոլմենները անվանում էին «օղուլի րունք», որը նշանակում է «հսկայի րուն»¹: Իրականում «դոլմեն»-ը բրետոնական ծագում ունեցող բառ է («dol»՝ սեղան, «men»՝ քար, այսինքն՝ «սեղանաքար») և այժմ արմատա-

ցած է ֆրանսերենում («dolmen»)¹: Դոլմենները ճարտարապետությունից պատմությունից մեջ առաջինը հանդիպող ամբողջական կառույցներն են: Նրանցում հայտնաբերվել են մարդկանց ոսկորներ և բրոնզե զարդեր ու գործիքներ: Նախապես դրանք եղել են տոհմական սրբատեղիներ և այնուհետև վերածվել են տոհմապետի գերեզմանի: Դոլմենները տարածված են Եվրոպայի ծովափնյա մարզերում, Հյուսիսային Աֆրիկայում և Ասիայում: Դրանք տարածված են հատկապես Հյուսիսային Կովկասի մերձսևծովյան հատվածներում (Գելենջիկ և այլն) և Ղրիմում, ինչպես նաև՝ Հայաստանում: Եվրոպայում և Հյուսիսային Աֆրիկայում դոլմենները պատկանում են բրոնզի, Հնդկաստանում և Ճապոնիայում՝ երկաթի, Կովկասում՝ բրոնզի և մասնակիորեն երկաթի դարերին²:

Թ. Թորամանյանի վկայությամբ՝ Օշականի հարավ-արևելքում՝ Քասաղ գետի ափին, մեծ թվով գերեզմաններ, կրոմլեխներ և դոլմեններ կային: Սակայն դրանք այնքան էլ լավ չեն պահպանվել և, կարծես, անուշադրություն են մատնված: Մի տեսակի դոլմենները տապանաքարի են նման, սակայն նրանց ներսը ամբողջովին դատարկ է: Ըստ Թ. Թորամանյանի՝ օշականյան դոլմենների միջին երկարությունը 9,7 մետր էր, իսկ լայնությունը՝ 6,4 մետր: Ներքին լայնությունը 2,6 մետր է: Սրանք գլխավորապես շրջապատված են անշաղախ որձաքարե պարիսպներով՝ 12,8 մետր և 10,5 մետր հեռավորությունների վրա: Երկրորդ տեսակի դոլմենները ունեն 8 մետր արտաքին երկարություն և 4,2 մետր լայնություն: Ներքին երկարությունը 7,5 մետր է, իսկ լայնությունը՝ 3,1 մետր: Սա ծածկած է 1-ից 1,72 մետր ծածկաքարով, որը փակում է ներսի դատարկությունը: Երրորդ տեսակի դոլմեններն ամենափոքրն են՝ ներքինը 1,1, իսկ արտաքին երկարությունը՝ 4,7 մետր³:

1 Տե՛ս "Большая советская энциклопедия", т. 8, Москва, 1972, էջ 416: "Словарь иностранных слов", Москва, 1954, էջ 242:

2 Տե՛ս "Большая советская энциклопедия", т. 8, էջ 416:

3 Թորամանյան Թ., Հայկական ճարտարապետություն, հ. 2, էջ 220-222:

1 Թորամանյան Թ., Հայկական ճարտարապետություն, հ. 1, Երևան, 1947, էջ 3-4:

Այստեղ նաև մեծ թվով կրոմլեխներ կան: Սրանք մեզ մոտ դոլմեններից տարբերվում են միմիայն շրջանաձև 2,4 մ տրամագծով և 0,4 մ հաստությամբ կափարիչով¹: Բառի ծագումը բրետոնական է («crom»՝ շրջան, «lech»՝ քար, այսինքն՝ «քարե շրջան»²): Կրոմլեխների գերակշիռ մասն ստեղծվել է նեոլիթի (նոր քարի դար՝ Ք. ա. 10-րդ հազարամյակի կեսերից մինչև Ք. ա. 6-րդ հազարամյակի կեսերը) շրջանում և բրոնզի դարում (Ք. ա. 4-րդ հազարամյակի կեսերից մինչև Ք. ա. 2-րդ հազարամյակի կեսերը): Սովորաբար կրոմլեխները կազմված են մեծ (մինչև 6-7 մետր բարձրությամբ), առանձին կանգնեցված քարերից, որոնք կազմում են 1 կամ մի քանի շրջաններ: Նրանք օղակում են որոշակի տարածք, որի կենտրոնում երբեմն դոլմեններ և մենհիրներ (բրետոներեն՝ «երկար քար»՝ 3-20 մետր բարձրությամբ, մինչև 300 տոննա քաշով³, նախատեսված հավանաբար նախնիների պաշտամունքի համար. մեզ մոտ հիմնականում 2-3 մետր բարձրությամբ են հանդիպում) են գտնվում:

Կրոմլեխներ հայտնաբերվել են Ասիայի և Ամերիկայի մի շարք երկրներում, բայց առանձնապես շատ են Ֆրանսիայում, Մեծ Բրիտանիայում, սկանդինավյան երկրներում: Կրոմլեխի աշխարհահռչակ օրինակ են Սթոնհենջ և Էյվբերի կրոմլեխները Մեծ Բրիտանիայում և կրոմլեխների ու մենհիրների «պուրակը» Ֆրանսիայի Կարնակ քաղաքի մոտ⁴: Ոմանք կրոմլեխ են համարում նաև ՀՀ Սյունիքի մարզի Զորաքարեր (Քարահունջ) կոչվող նախնադարյան բնակավայրը: Կրոմլեխների նշանակության վերաբերյալ վարկածները բազմաթիվ են՝ կրոնական, թաղման արարողությունների վայր, արեգակի տաճար և այլն: Օշականում կրոմլեխները այդպիսի հստակ շրջանաձև դասավորությամբ չեն պահ-

պանվել: Նրանց դասավորությունն ավելի մոտ է դոլմենների հասարակ դասավորությանը:

Օշականում դեռ վաղ անցյալից տարածված է եղել թաղման տոհմային ձևը, այսինքն՝ մի ցեղի հանգուցյալների՝ միմյանց կից թաղումը մատուռների կամ էլ իրենց իսկ տան մոտ: Գերեզմանները և խաչքարերը տարածված են ողջ գյուղում: Դրանք բացառիկ են և գեղաքանդակ¹: Առկա են թե՛ 9-11-րդ, թե՛ 12-14-րդ և թե՛ 15-18-րդ դդ. խաչքարեր, ինչպես նաև խաչային հորինվածքներ և որմնափակեր²:

Մարիամ Աստվածածնի մատուռից սկսած՝ ողջ գյուղով մեկ անշաղախ որձաքարերով պատեր են շինված, որոնք, ըստ 20-րդ դ. սկզբին տեղացիների կարծիքի, Վահան Ամատունու ամրոցի մասերն են եղել³: Սակայն անհնար է, որ գյուղի ողջ տարածքով Ամատունյաց ամրոցի պատեր լինեն, և հավանաբար դրանք կիկլոպյան պատեր են: Մենք կարող ենք դրանք տեսնել, քանի որ բավականաչափ լավ են պահպանվել:

բ) Դիպի (Դիդի) կոնդի «զանձերը»

«Դիպի կոնդ» կոչվող բլուրը գտնվում է Օշականի արևելյան հատվածում: Բլրի ամբողջ երկայնքով ձգվում են նախաքրիստոնեական և քրիստոնեական հուշարձաններ՝ հին և նոր գերեզմաններ, խաչքարեր, քարայրներ, մատուռներ, կիկլոպյան ամրոց (գագաթին): Պեղումներից պարզվել է, որ վերջինս կառուցվել է Ք.ա. II-I հազարամյակների սահմանադրիսին: Յուրաքանչյուր քարի հաստությունը 2 մ է: Դիտի կոնդի կիկլոպյան ամրոցներն այն բացառիկներից են, որոնք հրաշալիորեն պահպանվել են ՀՀ տարածքում: «Դիտի» կամ «Դիդի» կոնդ տեղանունն ունի տարբեր ստու-

1 Նոյն վեղում. էջ 221-222:

2 Տե՛ս "Большая советская энциклопедия", т. 13, Москва, 1973, էջ 476-477:

3 Տե՛ս "Большая советская энциклопедия", т. 16, Москва, 1974, էջ 66:

4 Տե՛ս "Большая советская энциклопедия", т.13, էջ 476-477:

1 Թորամանյան Թ., Վայկական ճարտարապետություն, հ. 1, էջ 3-8:

2 Տե՛ս «Վայասրանի ազգային պալատ», հ. Բ (քարեգ՝ «Խաչքարերը Նյու-փասթևեյան Վայասրանում», հեղինակներ՝ Ի. Ղարիբյան, Ն. Պևրոսյան, մասշտաբ՝ 1:1 000 000), էջ 169:

3 Թորամանյան Թ., Վայկական ճարտարապետություն, հ. 1, էջ 3-8:

գաբանություններ՝ «դիպրակեր» (ժողովրդական սրուգաբանությունը՝ իբրև Վահան Անարունու դիպրակնոց)։ «Անձ բլուր»։ «դիպրակների բարձունք»։ «աստվածների բարձունք» և այլն, որոնցից առավել հավանական է առաջինը, քանի որ հիմնավորվում է իրանական բառարմատով։ Ստուգաբանման վարկածներ կան նաև Օշականի (ըստ ժողովրդական ստուգաբանության՝ «կրակի մեր աչքերին»)։ որ բացականչել է Նոյ նահապետը Օշականի արգավանդ հողերը Աբարատի վրայից տեսնելիս, կամ ըստ գրաբարյան ստուգաբանության՝ «աչքի կրոր»։ Գյուլլե կոնդի («վարդերի բարձունք») և այլ տեղանունների համար։

զ) Կամուրջ

Մինչև 18-րդ դարը Օշականից էջմիածին գնալու համար հարկավոր էր հսկայական ճանապարհ կտրել, իսկ քանի որ Օշականը վանքապատկան գյուղ էր, ուստի անհրաժեշտ էր Քասաղ գետի վրա մի կամուրջ կառուցել։ Այն կառուցեց նահապետ Ա. Եղեսացի (կթղ. 1691-1705 թթ.) կաթողիկոսը 1691-1705 թթ. ընթացքում։ Կամուրջի վրա 1706 թ. արձանագրություն է գրվել շինարարության մասին. «Յիշարակ է կամուրջու Տեսոն Նահապետ կաթողիկոսին Սուրբ Էջմիածնի։ ՌՃԾԵ թվին»¹։ Կամուրջը հնգակամար է և երկհարկ. կամրջի հնգակամար կառուցվելը Քասաղի ջրառատությունը էր պայմանավորված, իսկ այժմ ջուրը միայն առաջին, երբեմն՝ երկրորդ կամարով է հոսում։ 18-րդ դարի կեսերին կամրջի վիճակը վատթարացել է, և Միմեոն Ա. Երևանցի կաթողիկոսը (կթղ. 1763-1780 թթ.) 1778 թ. վերանորոգել է այն. «Նորոգեցա կամուրջս ի անոն Տեսոն Սիմեոնի Սրբազան կաթողիկոսին Սրբոյ Էջմիածնի Երեսանայ ի մերոյ ՌՄԻԷ թուին»²։ Այժմ կամուրջը կենսական նշանակություն ունի Օշականի համար։

1 Ալիշան Ղ., Այրարատ, էջ 192։

2 Նույն տեղում։

Կամրջի երկարությունը 62 մ է։ Նրա կամարային բացվածքները աջ ափից դեպի ձախ ափը փոխվում են՝ կազմելով 2,5, 3,6, 5,2, 7,1 և 8,5 մետր երկարություն¹։ Կամուրջը հարմարեցված է տեղանքի, այսինքն՝ 2 ափերի անհամաչափ բարձրությունը, քանի որ աջ ափը ձախից ցածր է։

դ) «Ձեռագործ» ճանապարհ և հին կամրջի մնացորդներ։ Գյուլլե կոնդ

Կամրջի մասին բաժնում ասվեց, որ կամրջի կառուցումով Ս. Էջմիածնի և Օշականի միջև եղած ճանապարհի երկարությունը կրճատվել է։ Բայց չէ՞ որ այդտեղ նաև մի ճանապարհ պետք է մինչ այդ լիներ, որի քասաղաբաժան երկու մասերը միմյանց այդ կամրջով պետք է միանային, ուստի մինչև 20-րդ դ. սկզբներն այդտեղի այժմյան ասֆալտապատ ճանապարհի տեղում 5-6 մ լայնությամբ «ձեռագործ» ճանապարհ է եղել, որի ստեղծման համար պետք է տեղի ժայռերը փորվեին։ Այժմ միայն առանձին հատվածներ են մնացել, և դժվար է դա տարբերակել խորհրդային տարիներից հղկված ճանապարհի հատվածներից։

Քասաղ գետի ձախ ափին Թ. Թորամանյանը հնագույն կամրջի մի ոտք է հիշատակում։ Հիմա դժվար է որոշել նրա տարիքը, քանի որ նրանից գրեթե ոչինչ չի պահպանվել։ Թ. Թորամանյանի հաշվարկներով, այն պետք է կառուցված լիներ առնվազն 13-14-րդ դդ.²։

Թ. Թորամանյանը գրում է, որ Օշականի հարավ-արևելքում՝ Դիտի կոնդից հարավ, գտնվում է «Գյուլլե կոնդ» կոչվող բլուրը։ Ի տարբերություն Դիտի կոնդի՝ այս բլուրն առանձնակի կարևոր նշանակություն ունեցող հուշարձաններով աչքի չի ընկնում։

1 Հարությունյան Վ., Հայկական ճարտարապետության պատմություն, Երևան, 1992, էջ 446։

2 Թորամանյան Թ., Հայկական ճարտարապետություն, հ. 2, էջ 220-224։

ե) Ս. Սիրոն եկեղեցի («Մանկանոց»)

Ս. Մեսրոպ Մաշտոց եկեղեցուց 2 կմ հյուսիս-արևմուտք գտնվում է գյուղի երկու եկեղեցիներից մյուսը՝ Ս. Սիրոնը: Այն նաև «Մանկանոց» են անվանում, քանի որ դա նրա գտնվելու վայրի անվանումն է: Տեղանունը հավանաբար տրվել է «40 մանկանց» նահատակների պատվին:

Այս եկեղեցին, գտնվելով Շաղվերդ գետի ափին, Օշականի հյուսիսարևմտյան հատվածում է: Թ. Թորամանյանը նշում է, որ վերջինի մեջ պահպանվել է (գուցե հենց այդքան էլ եղել է) ընդամենը մեկ արձանագրություն, որը 12-րդ դ. վերջով (1200 թ.) է թվագրվում¹: Բայց Ղ. Ալիշանն իր «Այրարատ»-ում նշում է ևս 2 արձանագրությունների մասին (1221 և 1295 թթ.)², որտեղ փոքրիկ տեղեկություն է տրվում այդ շրջանում տեղի հոգևորականության մասին: Ի դեպ, հետաքրքիրն այն է, որ Ղ. Ալիշանը կարծում է, թե այս եկեղեցու տարածքի «Մանկանոց» կոչվելու պատճառը ոչ թե նահատակված «40 մանուկների» պատվին է, այլ այստեղ բնակված ոմն Մանուկ երեցի անունով:

Ս. Սիրոն եկեղեցին կառուցվել է 7-րդ դարի 2-րդ կեսին: Թ. Թորամանյանը, սակայն, վիճելի է համարել դրա կառուցման դարը, քանի որ այն ընդգրկում է 7-րդ, 9-րդ և 10-րդ դարերի հայկական ճարտարապետությանը բնորոշ հատկանիշները³: Սակայն հարկ է նախապատվությունը տալ 7-րդ դար տարբերակին: Դրան դուժարվում են նաև եկեղեցու երկու վերանորոգումները՝ 9-րդ և 10-րդ դդ., և խնդիրը լուծված է: Այն վերանորոգվել է նաև 1950 թ., և եկեղեցին պահպանվել է գրեթե ամբողջական վիճակում:

Ընդհանուր առմամբ եկեղեցին իր հորինվածքով խաչաձև է: Մուտքի դուռն արևմուտքից է: Թ. Թորամանյանի կարծիքով, հարավային թևի արևմտյան ճակատում մի փոքր

ցածրիկ դուռ է եղել, որն այժմ փակված է: Եկեղեցիներում այսպիսի դռների կառուցումը Թ. Թորամանյանը բացատրում է այն հանգամանքով, որ այդ կերպ հոգևորականները ցանկանում էին, որ եկեղեցի մտնողներն ստիպված լինեին ծնկի գալ: Նա նաև նշում է, որ այսպիսի դռնով եկեղեցիներ ողջ պատմական Հայաստանի տարածքում ընդամենը երեք տեղ կարող ենք հանդիպել՝ Բագարանի Ս. Կաթողիկե եկեղեցում (7-րդ դ.), Հոռոմոսի (Ս. Մինաս) վանքում (10-րդ դ.) և Օշականի Ս. Սիրոն եկեղեցում¹: Փաստորեն, այս եկեղեցին հայկական ճարտարապետության բացառիկ օրինակներից է:

զ) Օշականի հուշայուներ

Ս. Սիրոն եկեղեցու բակում մի հրաշագեղ կոթող է կանգնեցված, որը վերագրվում է 582-602 թթ. գահակալած բյուզանդական կայսր Մորիկին (Մավրիկիոս) կամ նրա մորը: Տեղացիների հավաստմամբ՝ նախկինում այն Ս. Մեսրոպ Մաշտոց եկեղեցու մոտակայքում է կանգնեցված եղել: Թ. Թորամանյանը հավանական չի համարում դրա՝ Մորիկի կամ նրա մոր համար կանգնեցված լինելը՝ ելնելով կոթողի ճարտարապետական հատկանիշներից՝ հիմք ընդունելով տեղական հնամենի քանդակագործության ոճը, սակայն այժմ վերոնշյալ տարբերակը քիչ թե շատ գերակշռող է: Այս կարծիքին հիմք է ծառայում Կիրակոս Գանձակեցու թողած հիշատակությունն առ այն, որ Մորիկը ծագումով Օշականի հայ էր²: Այս կոթողը հիմնականում բյուզանդական ոճ ունի և, մասնավորապես՝ նաև Զվարթնոցի տաճարի ոճը: Նաև հարց է առաջանում, թե ով է այն կանգնեցրել: Որոշակի պատասխան չկա, բայց կան ակնարկներ. եթե այն կայսեր մոր համար է, ապա դա կանգնեցրել է հենց ինքը՝ Մորիկը, իսկ եթե այն իր պատվին է, ապա՝ որևէ բյուզանդացի պաշտոնյա: Թ. Թորամանյանը մաս առ մաս նկարագրում է կոթողը.

1 Նույն տեղում:

2 Ալիշան Ղ., Այրարատ, էջ 189-190:

3 Թորամանյան Թ., Հայկական ճարտարապետություն, հ. 2, էջ 220:

1 Նույն տեղում:

2 Կիրակոս Գանձակեցի, Տայոց պատմություն, աշխ. Վ. Առաքելյանի, Երևան, 1982, էջ 47:

1. ներքևում երեք աստիճաններ են,

2. ապա խողովակաձև մի սյուն է բարձրանում, որի կենտրոնում 1,1 մ երկարությամբ և 0,92 մ բարձրությամբ միակտոր մի պատվանդան է դետեղված,

3. վերջինիս վրա 3,72 մ բարձրությամբ մի ութանկյուն սյուն է վեր խոյանում, որ եզերվում է գազաթի խոյակով,

4. սա էլ կողովաձև խոյակով է եզերված եղել, որի քանդակները անչափ նման էին Չվարթնոցի քանդակներին¹, ինչի պատճառով էլ ենթադրվել է, թե այս կոթողը Չվարթնոցի օրինակով է կառուցվել: Սակայն վերջին տեսակետը հիմնավորում չունի, քանի որ և՛ Մորիկը, և՛ առավելապես նրա մայրը Չվարթնոցի կառուցումից շուտ են մահացել: Փաստորեն, կարելի է միայն ենթադրել, որ Չվարթնոցի շինարարները կարող էին որոշ չափով օգտվել այս կոթողի օրինակից:

Հուշասյունը պահպանված է ոչ բարձր վիճակում. աստիճանաձև պատվանդանը քայքայված է, բունը՝ ջարդված, առանց պսակող խոյակի է: Այդ իսկ պատճառով այս կոթողի մասին ամբողջական գաղափար ենք կազմում թ. Թորամանյանի վերակազմության նախագծով:

Է) Մարուններ

Օշական գյուղը հարուստ է մատուռներով՝ Թուխ Մանուկ (Փոքր մատուռ), Ս. Գրիգոր Լուսավորիչ, Սուրբ Թադեոս առաքյալ, Ս. Սարգիս, Ս. Մարիամ Աստվածածին (Քարայր-մատուռ) և բազմաթիվ այլ սրբատեղիներ:

Ամենախոշորը Ս. Գրիգոր Լուսավորիչ մատուռն է: Թ. Թորամանյանի վկայությամբ՝ Օշականում կա «Թուխ Մանուկ» անունով մատուռ: Այն գտնվում է Դիտի կոնդի գազաթին: Թ. Թորամանյանն ասում է, որ այս մատուռը կառուցվել է 19-րդ դ. վերջին կամ էլ 20-րդ դ. սկզբին, սակայն 13-14-րդ դդ. կառուցված և ապա ավերված մատուռի

հիմքերի վրա¹: Խորհրդային տարիներին այն վեր է ածվել պահեստի, իսկ 1990 թ. տեղի բնակիչների շնորհիվ որոշակիորեն կարգի է բերվել: Հենց այս առթիվ մատուռի՝ նույն այդ ժամանակ պատրաստված երկաթե դռան վրա գրություն կա, որտեղ մատուռը «Ս. Գրիգոր Լուսավորիչ» անունով է:

Մեկ այլ մատուռ թ. Թորամանյանը «Փոքր Թուխ Մանուկ» կամ «Փոքր մարտո» է անվանում: Ըստ նրա՝ մատուռը կառուցվել է 14-րդ դ. վերջին կամ էլ 15-րդ դ. սկզբին, սակայն մատուռի վրա 13-րդ դ. գրություններ կան, ինչը խոսում է նրա՝ 13-րդ դարում կառուցված լինելու մասին: Ըստ թ. Թորամանյանի՝ մատուռի երկարությունը 5,16 մետր էր, լայնությունը՝ 3,56 մետր²: Նրա աջ կողմում կա մի ճոխ պատվանդանավոր խաչքար, որը կանգնեցվել է 13-րդ դ. (1265 թ.): Խաչքարի ամբողջական բարձրությունը կազմում է 4,55 մետր՝ պատվանդանինը՝ 1,07 մետր, խաչքարինը՝ 1,74 մետր³: Շրջակայքում կան բազմաթիվ միջնադարյան զերեղմաններ, ինչպես նաև՝ նորերը: Մատուռը գտնվում է Ս. Մեսրոպ Մաշտոց եկեղեցուց ընդամենը 200-300 մետր հեռավորության վրա:

Օշականի արվարձաններից մեկում է գտնվում 13-րդ դ. կառուցված Ս. Թադեոս առաքյալ մատուռը:

Հայ ճարտարապետության ինքնատիպ կառույցներից է Ս. Սարգիս մատուռը, որ կառուցվել է Ս. Թարգմանչաց պատվին և կրել է նաև «Ս. Թարգմանչաց վանք» անվանումը: Այն գտնվում է Օշականի կամրջից շուրջ 0,5 կմ հեռավորության վրա՝ ժայռի խոռոչում: Այն իրականում քարանձավ է, որն արտաբուստ պատել են մի քանի սալիկներով: Չարմանալի է, թե ինչպես են ժամանակին մարզիկ և, մասնավորապես՝ հոգևորականները բարձրացել այդտեղ: Հավանաբար այդտեղ ինչ-որ աստիճան կամ նման տիպի կառույց է եղել, ինչի հետքերը հազիվ կարելի է նկատել ժայռի վրա: Թ. Թորա-

1 Նույն տեղում, էջ 222, 223:

2 Նույն տեղում, էջ 223:

3 Նույն տեղում:

1 Թորամանյան Թ., Նայկական ճարտարապետություն, հ. 2, էջ 54, 55:

մանյանի այցի ժամանակ այդտեղ ոչ մի աստիճան էլ չի եղել: Այդ իսկ պատճառով նա չի կարողացել այն մանրամասնորեն ուսուցնասիրել: Այժմ այդտեղ տեղացիների կողմից շինված փայտե վտանգավոր մի աստիճան է: Մատուռում կարելի է գտնել կառուցման մասին արձանագրություն, որից պարզ է դառնում, որ այն կառուցվել է 13-րդ դ.: Շահխաթունյանցը մատուռում հիշատակում է 1624/1625 թ. մի արձանագրություն ևս¹:

Քասաղ գետի ափին՝ Օշականի կամրջից ներքև, մի մատուռ կա, որը Ս. Մարիամ Աստվածածին է կոչվում: Այն իր բարձր դիրքի պատճառով հաճախ «Ախնախոր» կամ էլ «Բարայր» մատուռ է կոչվում: Թ. Թորամանյանը հավանական է համարել, որ մատուռը կառուցվել է նախաքրիստոնեական շրջանում և որպես նվիրական տեղ է ծառայել: Նման տեսակետը նա հիմնավորում է նրանով, որ խորանը ուղիղ դեպի արևելք չէր նայում և մի կերպ հարմարեցված էր այդ դիրքին²:

* * *

Վերը նշված բոլոր կառույցներից զատ Օշականում կան նաև քաղմաթիվ այլ ճարտարապետական հուշարձաններ:

Առանձնապես հետաքրքիր են 19-րդ դ. և 20-րդ դ. սկզբին կառուցված տները, որոնցից պահպանվել են միայն մի քանիսը: 1901 թ. կառուցված մի քանի տների օրինակով անդամ այսօր կարելի է հավաստիանալ, որ բնակելի տները գերազանցապես միհարկանի են, մուտքը՝ կամարածև, ճակատին էլ գրված է կառուցման տարեթիվը: Համալիրի պարտադիր մաս են կազմում տնամերձ այգին, ինչպես նաև տնտեսական օժանդակ կառույցները:

1 Տե՛ս Յովհ. եպս. Շահխաթունեանց, Սպորազրույթիս Կաթողիկէ Էջմիածնի և ինչ գաւառացւ Արարարայ, հ. Ա, էջ 81:

2 Տե՛ս Թորամանյան Թ., Հայկական ճարտարապետություն, հ. 2, էջ 223:

Այսպիսով, Օշականը մեզ է ներկայանում ինքնատիպ պարմաճարարապետական ժառանգությամբ՝ կիկլոպյան ամրոցներով, դոմեններով, կրոմլեխներով, ուրարական պալատական համալիրներով և փաճարով, անտիկ դամբարանադաշտով, միջնադարյան եկեղեցիներով, մատուռներով, խաչքարերով ու զերեզմաններով, 19-20-րդ դդ. սահմանագլխին կառուցված ինքնատիպ տներով և այլն:

ԳԼՈՒԽ Թ

Զրոսաշրջության զարգացման ներուժը և կրթությունը Օչականում

Որևէ տարածքում զբոսաշրջության ձևավորման ու հետագա զարգացման համար անհրաժեշտ են որոշակի նախադրյալներ ու գործոններ, որոնց ամբողջությունը կոչվում է զրոսաշրջության զարգացման ներուժ: Վերջինիս համակարգում առանձնացվում են զրոսաշրջային ռեսուրսները, ենթակառուցվածքները և նյութափոխանակական բազան: Օչականում վերջին երկու ենթահամակարգերի սնանկության պայմաններում առավել կարևորվում են զբոսաշրջային ռեսուրսները, որոնք զբոսաշրջության ընթացքում մարդկանց հետաքրքրությունը բավարարող պատմամշակութային, գիտահետազոտական, բնակլիմայական և այլ բնույթի օբյեկտներն ու երևույթներն են: Նշվածներից Օչականի համար առավել բնութագրականը, ինչպես արդեն համոզվել ենք աշխատանքի նախորդ գլուխներում, պարմամշակութային ժառանգությունն է՝ պատմաճարտարապետական կառույցները (մեգալիթյան հուշարձաններ, եկեղեցիներ, կացարաններ ևն), սոցիո-նորմատիվային մշակույթը (ավանդական նիստուկացը, սովորույթները ևն), մշակույթի սպասարկու օբյեկտները (թանգարան, գրադարան ևն):

Օչականում հնարավոր է հատկապես ճարտարապետահնագիտական (մեգալիթյան հուշարձաններ, եկեղեցիներ, կացարաններ ևն) և գյուղական (սպասարկման օբյեկտների փոխարեն՝ գյուղական տների վարձակալմամբ, ինչը հնարավորություն է տալիս՝ հետևելու սոցիո-նորմատիվային մշա-

կույթին) ուղղվածության զբոսաշրջության զարգացումը:

Մնացյալ ուղղվածությամբ զբոսաշրջության զարգացման համար պայմանները սահմանափակ են. օրինակ՝ էկոլոգիական զբոսաշրջության տեսանկյունից առավելագույնը կարելի է հետևել անապատացման գործընթացների տեղական արտահայտությունը, իսկ ռեկրեացիան հնարավոր է կազմակերպել միայն Քասաղի գետահովտի ռացիոնալ օդատագործման պարագայում:

Զրոսաշրջության ռացիոնալ կազմակերպման համար անհրաժեշտ է կազմել զբոսաշրջային հետաքրքիր երթուղիներ: Օչական այցելելիս ՀՀ ներքին և օտարերկրյա զբոսաշրջիկների համար առաջարկում ենք հետևյալ երթուղիները.


1. Գիպրաճանաչողական. Երևան-Աշտարակ-Բյուրականի աստղադիտարան-Ամբերդ-Օչական-Աշտարակ-Երևան:
2. Էկոհնագիտական. Երևան-Հովհաննավանք-Սաղմոսավանք-Ապարանի ջրամբար-Ապարան-Աշտարակ-Օչական-Երևան:
3. Ընդհանուր ճանաչողական. Երևան-Աշտարակ-Օչական-Օչականի կամուրջ-Ս. Էջմիածին-Զվարթնոց-Երևան:
4. Ճանաչողական. Երևան-Աշտարակ-Օչական-Աղձք-Աշտարակ-Երևան:
5. Պարմահնագիտական. Երևան-Աշտարակ-Օչական-Արուճ-Թալին-Մաստարա-Աշտարակ-Երևան:

Մեր կարծիքով, լավագույնը ընդհանուր ճանաչողական երթուղին է, որը միաժամանակ թարմություն կարող է հաղորդել Երևան-Ս. Էջմիածին ավանդական երթուղուն:

Մեր կողմից նշված երթուղիների շրջանակներում անհրաժեշտ է ունենալ նաև ներքին երթուղի: Վերջինս ընդհանուր ճանաչողական երթուղու շրջանակներում կարող է ունենալ հետևյալ հաջորդականությունը՝ Աշտարակ-«Հայոց գրեր-1600» հուշարձան-գինու գործարան-կենտրոնական

փողոց (ավանդական բնակելի տներ, կենցաղ)-Ս. Մեսրոպ Մաշտոց վանք-Օշականի կամուրջ: Պատմահնագիտական երթուղու պարագայում կարելի է ներառել նաև արչավախմբային այց Դիտի կոնդ բլրի գագաթ՝ դիտելու Թուխ Մանուկ և Ս. Գրիգոր Լուսավորիչ մատուռները, պատվանդանավոր հսկա խաչքարը, կիկլոպյան ամրոցը և հատկապես Վանի թագավորության ժամանակաշրջանի ամրոց-բնակավայրը: Հարկավոր է ի նկատի ունենալ նաև Օշականից դուրս գալիս այց գյուղի Ս. Սիրոն եկեղեցի:

Հնարավոր է նաև Երևան-Օշական-Երևան զբոսաշրջային առանձին երթուղի սահմանել, թեև անհրաժեշտ են թակառուցվածքների բացակայությունը ներկայումս չի կարող ապահովել մեկօրյա զբոսաշրջային ուղևորություն: Այնուհանդերձ, մենք ներկայացնում ենք առավել հետաքրքրական հնարավոր երթուղի. Երևան-Աշտարակ-«Հայոց գրեր-1600» հուշարձան-գինու գործարան-կենտրոնական փողոց (գյուղական զբոսաշրջության օբյեկտներ՝ սննդի կազմակերպմամբ)-Ս. Մեսրոպ Մաշտոց վանք (ավտոտրանսպորտի կայանամար, Ս. Մեսրոպ Մաշտոցի արձան-Ս. Մեսրոպ Մաշտոց եկեղեցի-Ս. Մեսրոպ Մաշտոցի գերեզման-Վահան Ամատունու գերեզման-դպրատուն-17-19-րդ դդ. գերեզմանոց-այբբենական խաչքարեր)-Դիտի կոնդ բլուր (Թուխ Մանուկ մատուռ-պատվանդանավոր հսկա խաչքար-Ս. Գրիգոր Լուսավորիչ մատուռ-Վանի թագավորության ժամանակաշրջանի ամրոց-բնակավայր)-Օշականի կամուրջ-Քասաղի գետահովիտ (սննդի կազմակերպմամբ)-Ս. Սարգսի մատուռ-Ս. Սիրոն եկեղեցի (ավտոտրանսպորտի վերագործածմամբ)-Աշտարակ-Երևան: Այս երթուղին հնարավորություն կտա՝ ամբողջական պատկերացում կազմելու Օշականի նշանակության վերաբերյալ, ուստի ստորև ներկայացնում ենք երթուղու սխեմատիկ գծապատկերը.



Այսպիսով, Օշականն ունի զբոսաշրջության զարգացման զգալի ներուժ, ինչը կարող է առավել ռացիոնալ օգտագործվել զբոսաշրջային երթուղիների համակարգված մշակման և սպասարկման օբյեկտների ցանցի կառուցման գործում և պայմաններում:

ՎԵՐՋԱԲԱՆԻ ՓՈԽԱՐԵՆ

Աշտարակ-Օշական ճանապարհով առաջանալիս հեռվից կնկատենք ծառերի մեջ պարփակված գեղեցիկ մի հուշարձան, որը Հայ գրերի գյուտի 1600-ամյակին նվիրված երկհատված հուշարձանն է: Այն նշանավորում է Օշականի սկիզբը: Այդտեղից մինչև եկեղեցի մոտ 3 կմ է: Շարժվելով առաջ՝ աջ և ձախ կողմերում կտեսնենք խաղողի այգիներ: Այնուհետև սկսվում են տներ և գյուղի գինու գործարանը: Շարունակելով ճանապարհը դեպի Մաշտոցի գերեզմանատեղի՝ կանցնենք գյուղի ամենակարևոր փողոցով, ուր գտնվում են գյուղի մշակույթի տունը, բազմաթիվ հին տներ, որոնց տարիքն անցնում է 100-ից: Փողոցն իր վերջնամասում կտրուկ ձախ է թեքվում. առջևում բացվում է հիանալի մի տեսարան՝ Ս. Մեսրոպ Մաշտոց հոյակերտ եկեղեցին՝ Դիտի կոնդ բլրի գրկում:

Ամռան ամիսներին մի շատ գեղեցիկ տեսարանի կարելի է ակնատես լինել. առավոտյան և երեկոյան արագիլները գալիս և կանգնում են եկեղեցու ճակատի վերնամասում՝ խորհրդավոր մի նշանակութուն տալով առանց այն էլ շատ հոգևոր այս վայրին:

Օշականը ՀՀ ամենատեսարժան վայրերից մեկն է: Այն, ինչպես տեսանք մեր աշխատանքում, ունի զբոսաշրջության զարգացման հիանալի նախադրյալներ: Ճիշտ է, Օշականը զբոսաշրջիկներին գրավում է նախևառաջ Ս. Մեսրոպ Մաշտոցի գերեզմանով և նրա վրա կառուցված եկեղեցով, մինչդեռ Օշականում կան նաև այլ տեսարժան վայրեր՝ կիկլոպյան ամրոցը, Ս. Սիոն եկեղեցին և այլն: Միայն թե դրանք

պետք է պատշաճ ձևով ներկայացնել թե՛ արտասահմանյան զբոսաշրջիկներին և թե՛ ՀՀ քաղաքացիներին: Փաստորեն, նաև այս նպատակով է գրվել մեր աշխատությունը:

Նույնի կերպ, որ մեր այս փոքրածավալ ուսումնասիրության մեջ կարողացանք ամբողջացնել համայն հայության կարևորագույն սրբարևդիներից մեկը հանդիսացող Օշական գյուղի պատմությունը՝ հնագույն ժամանակներից մինչև մեր օրերը:

РЕЗЮМЕ

Село Ошакан находится в Арагацотнской области Республики Армения в 25 километрах от Еревана. Население составляет 5 106 человек (2001 г.); в основном армяне.

История Ошакана начинается с третьего тысячелетия до н. э. На вершине холма Дити-коид, который находится недалеко от церкви святого Месропа Мантоца, в конце двадцатого века была найдена крепость “циклопов” трех-четырёхтысячелетней давности.

В 331 г. н. э. кочевые племена мазкутов с Северного Кавказа начали войну против Армении и завоевали тогдашнюю столицу Армении – Вагаршанат (Эчмиадзин). Но царь Хосров Второй (330-338 гг.), сын Тиридата Третьего Великого (274-276, 288/298-330 гг.) сумел собрать все войска и заставил врага отступать до крепости Ошакан, где и в 331 г. армянские войска одержали блестящую победу над мазкутами. Это первое упоминание топонима “Ошакан”.

В 405 г. Святой Месроп Мантоц создал армянский алфавит. Мантоц умер в 440 г. и был похоронен в Ошакане. В 443 г. Ваан Амагуни построил церковь над могилой Мантоца.

Ошакан в России больше известен, как место, где 17 августа 1827 г. произошло сражение между русскими и персидскими войсками. Весной 1827 г., после того, как персы первыми начали войну в 1826 г. и после нескольких удач начали сами терпеть поражения, русские начали поход на Ереванское ханство. Но сын персидского шаха не смирился с этим и с 30 000 армией напал на Эчмиадзин. Генерал А. Красовский, который отдыхал со своей дивизией на склонах горы Арагац, немедленно поспешил в Эчмиадзин с 3 000 солдатами, в том числе и 100 армянами – добровольцами. Стороны встретились друг с другом

в селе Ошакан. Армия Аббаса-Мирзы, сына шаха, была в 10 раз больше русской. Сначала персы выигрывали, но, увидев это, один армянин, служивший в передовой армии пушкарем, открыл огонь с тыла персидской армии. Персы подумали, что генерал Паскевич пришел на помощь, и поэтому начали отступать. Несмотря на огромные потери (свыше 1 000 человек), русская армия одержала победу над персами, у которых потерь было значительно больше (свыше 3 500 человек). По словам участника сражения декабриста Лачинова, армяне доверяли русской армии и помогали, как могли. После Туркманчайского договора (10.02.1828 г.) Восточная Армения вошла в состав Российской Империи.

Церковь святого Месропа Маштоца была полностью отремонтирована в 1873-1879 гг. (при католикосе Геворке Четвертом), 1960-1966 гг. (при католикосе Вазгене Первом), 1996-2000 гг. (при католикосах Гарегина Первого и Гарегина Второго).

Сейчас Ошакан имеет все шансы, чтобы стать одним из туристических центров нашей страны. В Ошакане, кроме церкви Святого Месропа Маштоца, находятся также и множество часовень (Св. Саркис, Св. Фадей, Св. Григорий, Тух Манук и т. д.), дольменов (2-е тыс. д. н. э.), кромлехов (2-е тыс. д. н. э.), хачкаров, ошаканский мост (1706 г.), церковь Святой Сион (7-й век), стела византийского императора Маврикия (6-й или 7-й век), памятник русским воинам, павшим в Ошаканской битве (1833-1834 гг.) и т. д..

SUMMARY

Oshakan is a village in Aragatsotn Province of the Republic of Armenia. 5 106 people (2001) live in Oshakan, which is 24.5 kilometers far from Yerevan.

The history of Oshakan begins from the 3rd millennium B. C. There was a huge fortification of the Bronze Age in the 2nd millennium B. C. Later there was built a large fortification with its significant castle in the Van kingdom (Urartian) era (the 7th century B. C.).

The name "Oshakan" was firstly mentioned in 331 A. D. by Armenian historians Pavstos Buzand and Movses Khorenatsi. They mentioned Oshakan as the place, where the Armenian army defeated the army of Caucasian ethnic groups. After the battle Oshakan became a patrimony of Amatuni family, as Vahan Amatuni, the head of the family, was one of the most significant figures at Oshakan battle.

In 440 the author of the Armenian alphabet, Mesrop Mashtots died. He was buried in Oshakan, as Amatunies held one of the most influential positions within the Armenian nobility. In 443 on the place of Mashtots' grave a large church was built and named "St. Mesrop Mashtots' church". Later the church was reconstructed for many times, especially in 1873-1879 (by Catholicos Gevork IV), 1960-1966 (by Catholicos Vazgen I) and 1996-2000 (by Catholicoses Karekin I and Karekin II).

Oshakan was a very important agricultural centre in the Middle Ages. Formerly being a part of the patrimonies of Armenian noble families (Amatuni, Pahlavuni), it became a patrimony of the Armenian Apostolic Church in 1431, staying under the Church's control until 1913.

Oshakan is famous for its wonderful khachkars (cross-stones), St. Sion's church (the 7th century), a bridge (1706), the dolmens and cromlechs (the 2nd millennium B. C.), a monument (1833-1834) devoted

to the Russian soldiers who died in the battle of Oshakan (17.08.1827), a monument (the 6th or 7th century) devoted to the Byzantine emperor Maurikius (582-602), ... etc., but the most important and significant historical and cultural sight is St. Mesrop Mashtots' church.

Oshakan is a very beautiful place to visit, and I think, in a short period of time it will become one of the most significant historical and cultural centres of not only Armenia, but also of the entire world.

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Հայալեզու գրականություն

ա) Սկզբնաղբյուրներ

1. **Աբրահամ Կրետացի**, Պատմութիւն անցիցն իւրոց և Նատր-շահին Պարսից, քննական բնագիր, աշխ. Ն. Ղորղանյանի, Երևան, 1973:
2. **Առաքել Դավրիժեցի**, Պատմություն, աշխ. Վ. Առաքելյանի, Երևան, 1988:
3. **Եղիշե**, Վարդանի և Հայոց պատերազմի մասին, աշխ. Ե. Տեր-Մինասյանի, Երևան, 1992:
4. **Երեմիա Օշականցի**, Աստուածակառոյց մեծի Աթոռոյս սրբոյ Էջմիածնի համայն նուիրակաց յաղագս նուիրակական արդեանց շրջագայելի քաղաքքն հանդերձ գիւղաքաղաքօք նոցին, ըստ յատուկ յատուկ անուանց մի ըստ միոջէ ստորագրին, «Դիւան հայոց պատմութեան», գիրք Գ, Թիֆլիս, 1894, էջ 797-806:
5. **Թովմա Արծունի և Անանուն**, Պատմություն Արծրունյաց տան, աշխ. Վ. Վարդանյանի, Երևան, 1978:
6. **Կիրակոս Գանձակեցի**, Հայոց պատմություն, աշխ. Վ. Առաքելյանի, Երևան, 1982:
7. **Կորյուն**, Վարք Մեսրոպ Մաշտոցի, աշխ. Ա. Մաթևոսյանի, Երևան, 1994:
8. **Հովհաննես կաթողիկոս Դրասխանակերտցի**, Հայոց պատմություն, աշխ. Գ. Թոսունյանի, Երևան, 1996:
9. **Ղազար Փարպեցի**, Հայոց պատմություն և թուղթ Վահան Մամիկոնյանին, աշխ. Բ. Ուլուբաբյանի, Երևան, 1982:
10. **Մովսես Խորենացի**, Հայոց պատմություն, աշխ. Ստ. Մալխասյանի, Երևան, 1940:

11. **Սիմեոն կաթողիկոս Երևանցի**, Ջամբռ, թարգմ. և ծանոթագր.՝ Վ. Համբարձումյանի, պատմաաշխ. ծանոթագր. և քարտեզներ՝ Գ. Բադալյանի, Երևան, 2003:
12. **Վարդան Արևելցի**, Տիեզերական պատմություն, աշխ. Վ. Թոսունյանի, Երևան, 2001:
13. **Ուխտանէս Եպիսկոպոս**, Հայոց պատմութիւն, աշխ. Վ. Առաքելեանի, Երեւան, 2006:
14. **Փավստոս Բուզանդ**, Պատմություն Հայոց, աշխ. Ստ. Մալխասյանցի, Երևան, 1968:
15. Դամբարան և եկեղեցի սուրբ Մեսրոպ թարգմանչի յՕշական, «Արարատ», Ս. Էջմիածին, 1872, էջ 286:
16. «ՀՀ 2001 թ. նարդահամարի արդյունքները», ՀՀ Ազգային վիճակագրական ծառայություն, Երևան, 2003:
17. Մեր կողմից ընթերցված տեղական վիճակագրություններ:
18. 1990-2000-ական թթ. արձանագրություններ, որոնք հրատարակված չեն:

բ) Ուսումնասիրություններ

1. **Ադոնց Ն.**, Հայաստանը Հուստինիանոսի դարաշրջանում, Երևան, 1987:
2. **Ալիշան Ղ.**, Այրարատ, Վենետիկ, 1890:
3. **Ալիշան Ղ.**, Շիրակ, աշխ. Ա. Իսոյանի, Պ. Հովհաննիսյանի և Դ. Սարգսյանի, Երևան, 2010:
4. **Աճառյան Հր.**, Հայոց գրերը, հ. 1, Երևան, 1968:
5. **Ավերիսյան Ն., Բորոխյան Ա.**, Ուրարտուի հնագիտություն (Ամրոց-բնակավայրեր և դամբանային համալիրներ), Երևան, 2010:
6. **Բարխուդարյան Ս.**, Մի քանի դիտողություններ Երևանի Կաթողիկե եկեղեցու արձանագրությունների վերաբերյալ, «Տեղեկագիր ՀՍՍՌ ԳԱ. հասարակական գիտություններ», Երևան, 1947, թ. 5, էջ 71:

7. **Թորամանյան Թ.**, Հայկական ճարտարապետություն, հ. 1, Երևան, 1947:
8. **Թորամանյան Թ.**, Հայկական ճարտարապետություն, հ. 2, Երևան, 1948:
9. **Հակոբյան Թ., Մելիք-Բախշյան Ստ., Բարսեղյան Հ.**, Հայաստանի և հարակից շրջանների տեղանունների բառարան, հ. 5, Երևան, 2001:
10. **Հարությունյան Վ.**, Հայկական ճարտարապետության պատմություն, Երևան, 1992:
11. **Ղազախեցյան Վ.**, 1937-ը Հայաստանում, 2-րդ հրատ., Երևան, 2005:
12. **Մ. արք. Օրմանեան**, Ազգապատում, հ. 2, Ս. Էջմիածին, 2001:
13. **Մալխասեանց Ս.**, Հայերեն բացատրական բառարան, հ. 4, Երևան, 1945:
14. **Մալխասյան Մ.**, Սիմեոն Երևանցու «Ջամբռ» երկի աղբյուրագիտական արժեքը Հայաստանի պատմական էթնոժողովրդագրության համար, «ԵՊՀ ՈՒԳԸ գիտական հոդվածների ժողովածու», հ. 1, Երևան, 2012, էջ 166:
15. **Մանանդյան Հ.**, քննական տեսություն հայ ժողովրդի պատմության, հ. Բ, Երևան, 1957:
16. **Յովհ. եպս. Շահխաթունեանց**, Ստորագրութիւն Կաթողիկէ Էջմիածնի և հինգ գաւառացն Արարատայ, հտ. Ա, Ս. Էջմիածին, 1842:
17. **Նալբանդյան Մ.**, Երկերի լիակատար ժողովածու, հ. 1, Երևան, 1945:
18. **Շ. արք. Գալուստյան**, Հայագգի սրբեր, Երևան, 1997:
19. **Շահագիզ Ե.**, Աշտարակի պատմությունը, Երևան, 1987:
20. **Վ. վրդ. Տերյան**, Օշականի Սուրբ Մեսրոպ Մաշտոց եկեղեցին, «Էջմիածին» ամսագիր, Ս. Էջմիածին, 1963, թ. 3, էջ 22-29:
21. «Հայ ժողովրդի պատմություն», ՀԽՍՀ ԳԱ հրատ., հ. 3, Երևան, 1976, հ. 4, 1972, հ. 5, 1974, հ. 6, 1981:
22. «Հայաստանի ազգային ատլաս», հ. Բ, Երևան, 2008:

23. «Հայկական սովետական հանրագիտարան», հ. 12, Երևան, 1986:

24. «Հայոց պատմություն», ՀՀ ԳԱԱ հրատ., հ. 3, գ. Ա, Երևան, 2010:

2. Ռուսալեզու ուսումնասիրություններ

1. Есаян С. А., Калантарян А. А., Ошакан Е: основные результаты раскопок 1971-1983 гг., Ереван, 1988.
2. "Большая советская энциклопедия", т. 8, Москва, 1972, т. 13, 1973, т. 16, 1974.
3. "Словарь иностранных слов", Москва, 1954.



ԲՈՎԱՆԴԱԿՈՒԹՅՈՒՆ

1. Առաջաբան	7
2. Հեղինակի կողմից	9
3. Ներածություն	11
4. Գլուխ Ա. Օշականի ընդհանուր աշխարհագրական բնութագիրը	13
5. Գլուխ Բ. Օշականը նախաքրիստոնեական ժամանակաշրջանում	15
6. Գլուխ Գ. Օշականը IV դարում և Ամատունիների իշխանական տոհմը	22
7. Գլուխ Դ. Գրեթի գյուտը և Օշականի սրբացումը	29
8. Գլուխ Ե. Միջնադարյան Օշականը	35
9. Գլուխ Զ. Օշականը XVIII-XIX դարերում	42
10. Գլուխ Է. Օշականը XX-XXI դարերում	56
11. Գլուխ Ը. Օշականի պատմաճարտարապետական հուշարձանները	60
12. Գլուխ Թ. Զբոսաշրջության զարգացման ներուժը և երթուղիները Օշականում	72
13. Վերջաբանի փոխարեն	77
14. Резюме	79
15. Summary	85
16. Օգտագործված գրականության ցանկ	83

ՄԻՔԱՅԵԼ ՄԱԼԽԱՍՅԱԼ

ՕՇԱԿԱՆ

2-րդ, լրամշակված հրատարակություն

Խմբագիր՝ Լենա Ասրյան

Հրատարակչական խորհրդի
նախագահ և բաժնի տնօրեն՝

Համակարգչային շարվածքը՝
Սրբագրիչ՝

Նաթան արքեպս. Հովհաննիսյան

Միքայել Մալխասյանի
Արմեն Մալխասյան

ՄԱՅՐ ԱԹՈՒ ՍՈՒՐԲ ԷԶՄԻԱԾՆԻ ՆՐԱՏԱՐԱԿՉՈՒԹՅՈՒՆ
Ս. ԷԶՄԻԱԾԻՆ - 2012

Չափը՝ 60x84 1/16: Ծավալը՝ 5,5 տպ. մամուլ:
Տպաքանակը՝ 500 օրինակ:



ՄԱՅՐ ԱԹՈՒ ՍՈՒՐԲ ԷԶՄԻԱԾՆԻ ՏՊԱՐԱՆ



Մ. Մալխասյանը ծնվել է 1990 թ. սեպտեմբերի 8-ին, Երևանում: Հայրը՝ Արմեն Մալխասյանը, ինժեներ-մեխանիկ է, մայրը՝ Էվելինա Մալխասյանը, ռուսաց բանասեր, մանկավարժ:

Եղբայրները՝ Տ. Իգնատիոս վարդապետ և Տ. Աբրահամ քահանա Մալխասյանները, հոգևորականներ են:

Մ. Մալխասյանը 1997-2001 թթ. ուսանել է Երևանի թ. 67 դպրոցում, 2001-07 թթ.՝ «Քվանտ» վարժարանում: 2002-07 թթ. արժանացել է շուրջ 40 դիպլոմների՝ հաղթելով զանազան օլիմպիադաներում: 2007 թ. արժանացել է «Քվանտ» վարժարանի «Պատվավոր սան» կոչմանը:

2007 թ. հրատարակել է «Հայերն աշխարհում» և «Օշական» մեմագրությունները: Նույն թվականին ընդունվել է ԵՊՀ պատմության ֆակուլտետ: 2009 թ. հրատարակել է երրորդ մեմագրությունը՝ «Հակոբ Կարնեցու «Տեղագիր Վերին Հայոց» երկը՝ որպես պատմաաշխարհագրական հետազոտությունների աղբյուր» (Երզրունի նահանգը 17-րդ դարում): 2011 թ. ընդունվել է մագիստրատուրա («հայոց պատմություն. հին և միջին դարեր»):

2008-12 թթ. Մ. Մալխասյանը հրատարակել է շուրջ 40 հոդված, արժանացել շուրջ 50 մրցանակների, այդ թվում՝ «ԵՊՀ լավագույն ուսանող - 2011» կոչմանը: